

SPECVLVM

CONSILIORVM HISPANICORVM

IN Quo

REGIS HISPANIARVM MACHINATIONES VARIÆ CONTRA

Evangelicos pro novâ Monarchiâ fundanda, à di-



versis authoribus, tanquam in tabellâ repræ-
sentantur:

Productum in lucem

à

J. M.

SVASV ET HORTATV VIRORVM MA-

GNORVM, VT DORMIENTES SERENISSIMI AC POTENTISSIMI REGES,
Principes Imperijq; Præceres, qui Pontificis Romani tyrannicum jugum excusse-
runt, ab altissimo somno tandem expergerentur, eorumq; oculi ad
contemplationem periculosi hujus temporis
status aperirentur.



|| LUGDUNI ANNO 1626. Typis exscriptum.

215

CONSTITUTION

In

THE

...

...



...



J. M.
LECTORI
BENIGNO AC
CANDIDO

Cum debitâ honoris Præfatione.

S.




Quo tempore studijs, quæ momen-
ti majoris seriaeque tractandis, ani-
mum adplicare cæpi, nihil mihi ad-
eò votivum fuit, quam pro virili in-
vigilare communi utilitati, ne quid
profuturum sæculo lateret. Nulla enim ego meli-
ore ratione, qui solis ita literarum virtutumq; di-
sciplinis addictus, ut ijs ætatis omne curriculum,
(qualiscunq; etiam fortuna conatus meos ex-
cipiet) juvandis & illustrandis impendere consti-
tuerim, talenti mei usuram, approbare me posse
illi, qui sortem credidit existimò; quam omnis

ævi optimis authoribus è tenebris eruendis, à blatis tineisq; vindicandis & situ depravatis recensendis. Hinc varia mihi, non in uno genere, sed in Encyclopædia scientiarum, scripta egregia, undiq; collecta, quæ propediem faventibus superis, commodo Reip. literariæ prodibunt. In præsentiarum vero, cum librarium meum censum lustrarem, ejusq; bonitatem periclitarer, judicio ac suasu virorum magnorum, nihil quidpiam afflicto hoc Europæ statu, imminentibusq; toti Christianitati periculis, publicari à me valuit utilius, quam tres hi de Machinationibus Hispanicis, nunquam quod sciam hætenus typis vulgati libelli. Apprimè enim interest, ut Hispani contra Evangelicos Consilia, pro novâ Monarchia fundanda detegantur & innotescant, eisq; maturè justis ac valentibus remedijs obviam eatur: nos tandem simus armati intentiq;, nec nostram occasionem negligamus, nec suam hosti demus. Nam serum est cavendi tempus in medijs malis. Et uti vix quidpiam in rebus humanis laudabilius, quam occasione rectè uti; ita in bello maximè. Vbi bis peccare non conceditur, ampliusque illa
haud

haud raro opitulari solet, quam virtus. In calce
IONAE HENRICSONI Dithmarli ornatissimi Relationem de ratione & via Regiones septentrionales ad observantiam sedis Romanæ reducendi, ad-
jeci. A paucis enim visa, ac in politicis imperialibus, à Philologo ac IC. celeberrimo MELCHIORE
GOLDASTO, cui diversos hujus argumenti tractatus, insigni patriæ emolumento debemus, omis-
sa. Addidissem commentatores ejusdē notæ alios,
nisi opinione mea citius, nundinæ Francofurtenses
appropinquassent. Quò enim sine hæc talia in lucē
mittantur, & remittantur, nōrunt prudentes. Tu
quisquis es Zoile, qui maledictis aleris, non secus
ac caprea venenis, noli è publico agro fruges alijs
profuturas, tibi licet injucundas extirpare, nisi for-
te ad hoc insanix fastigium evectus, tantum tibi
ut cæteros omnes natos arbitreris. Ipse in oratio-
nis honestate atq; elegantia, non parùm desidero.
Cogitabit vero LECTOR BENIGNUS, ab alijs re-
rum, ab alijs verborum doctrinam quærì, materi-
am esse probam, quanquam non ubivis, usq; qua-
que probos invenerit fabros. Universe mensæ re-
giæ vasa, non sunt antiqui operis, vel omnia aulae

principum Arachnea. Multa olim & Alexandri
signa, non Polycleti manu, tabulæve Apellis cu-
râ, elaborata fuere. In Typographicos labores
mendæ quam plurimæ me absente irrepserunt,
sed ijs etiam candor tuus vel ante meas preces fa-
cile veniam largietur. Non enim quæ tua est hu-
manitas permittes, ut fama mea alienam incuri-
am luere cogatur. Effatum vetus verissimum
reperio, oculos & vestigia domini fundo esse salu-
berrima. Brevi tibi, Deo auspice, comite vita, si
prævium hoc nostrum opusculum tibi non
displicuisse edoctus fuero, producam alia majora,
teq; & me digniora. Bene ac feliciter vale, meque
& meos conatus amore & favore tuo
dignare.



ELEN-

ELENCHVS AVTHORVM.

I.

GERmani cujusdam Nobilis ac patriæ
amantis Viri,

Ad potentissimos ac serenissimos Re-
ges, Principes, reliquosq; Amplissimos Christi-
ani orbis ordines seria de Reipub. Christianæ sta-
tu, ejusq; salute atq; incolumitate conservanda,
commonefactio. Conscrip̃ta Anno incarnati Dei
M. D. LXXXIV, p. 2.

II.

Anonymi detectio conspirationis Pontificis
Romani pontificiorumque principum contra
Evangelicos, p. 61

III.

Fr. Campanellæ discursus de subjugando
Belgio, p. 91.

Ionæ

IV.

Ionæ HenricsonI, Dithmarsii, Relatio de ratione & via Regiones septentrionales ad cultum sedis Romanæ reducendi, p. 107.

Item causæ, propter quas Daniæ suspecta esse debet Regnorum Poloniæ & Suetiæ conjunctio.



AD
POTENTISSIMOS,
AC SERENISSIMOS

REGES PRIN- CIPES RELIQVOSQVE

AMPLISSIMOS CHRISTIANI OR-
BIS ORDINES.

Seria de Reipub: Christianæ statu, ejusq; sa-
lute atq; incolumitate conservanda,

Germani cujusdam Nobilis & Patriæ
amantis Viri

COMMONEFACTIO.





AD
 POTENTISSIMOS,
 AC SERENISSIMOS
 REGES PRINCIPES RE-
 LIQVOSQVE AMPLIS: CHRISTIA-
 NI ORBIS ORDINES,

Seria de Reipub: Christianæ statu, ejusq; sa-
 lute atq; incolumitate conservanda,

Germani cujusdam Nobilis & Patriæ
 amantia Viri

COMMONEFACTIO.



Vod si quam in alienis rebus rationibus
 que Iudicij. stateram adhibemus, ad
 eandem nostra ipsi consilia, nostrasq;
 omneis actiones appenderemus, & cer-
 tius omnis nobis vitæ ratio institueretur, & omni-
 no infinitæ, tum privatæ calamitates averteren-
 tur. Alienorum enim vel periculorum, vel cladi-
 um exemplis, quasi optimis & certissimis vitæ du-
 cibusc ac Magistris, ad res omnes & instituendas
 & per-

& perficiendas uteremur. Quod quidem sapientia genus uti tutissimum ita suavissimum esse nemo unquam sanus dubitavit. Sed ferè fit, ut in rebus nostris dijudicandis constituendisq; vel cupiditate, vel metu, vel alia quapiam animi ægritudine præpediti, quod ante pedes est, quodq; cervicibus jamjam imminet, haud antè cernamus quam ipsa calamitate obruti, repentino interitu, tarditatis ac stultitiæ pænas luerimus. Itaq; & si de aliorum exemplis prudenter sæpe judicamus, cum tamen idem se nobis devitandum periculum offert, quia vel rei magnitudine, vel ancipitis eventus formidine perterriti, & dum alij sese moveant circumspectantes, moras inutiles necitimus, & alias nos periculi propulsandi rationes habituros speramus, occasione opportunitate è manibus elapsa, omnis illa speciosa sapientia, quæ in alieni periculi exemplo intuendo versatur, inanis proflus atque infructuosa nobis abit.

Nulla quidem unquam vel Respub. vel civi-

tas, ac ne civis quidem ullus aut bonus, aut fortis
 extitit, qui non censeret, in moderato potentio-
 rum vicinorum imperio salutem suam, ac liber-
 tatis vitæq; incolumitatem omnem consistere.
 Neq; quicquam suâ tantopere interesse, quam il-
 los ipsos vicinos justitia & moderatione animi
 imperium administrantes, suis se finibus, quasi
 quibusdam repagulis, continere. Est enim in o-
 mnibus quidem ambitio periculosa, sed in illis
 certè vel omnium maximè, qui quantumvis va-
 stis imperij sui finibus, regnandi cupiditatem ne-
 queunt terminare. Quia cum Imperiorum muta-
 tio sine tristissimæ vicissitudinis squalore, atque o-
 mnium rerum perturbatione vix unquam possit
 existere, necesse est, ut quæcunq; illis adjacent re-
 giones, vel longissimo etiam remotæ intervallo,
 immoderatæ hujus ambitionis fluctibus agitæ,
 funesto tantum interitus atq; omnium calamita-
 tum gurgite involvantur. Sed quemadmodum
 oceani vel gravissima tempestate tumefacti ac re-
 dundantes fluctus, objecto proximo aggere, vici-
 nis atq; accolis omnem industriam, laborem, ac
 vigi-

vigilantiam, uno animo, unoq; opere per initia
 adhibentibus possunt haud ægerrime cohiberi,
 postea vero quam uno atq; altero aggere perru-
 pto, in campos atq; arva se longè lateq; effude-
 rint, nulla neq; vi, neq; industria humana prohi-
 bentur, quin certam atq; inevitabilem, non modò
 innumerabilibus hominum ac pecudum cater-
 vis, sed totis etiam oppidis latissimisq; sæpè ditioni-
 bus ac regnis perniciem adferant: Ita planè quæ
 latè suos fines producunt imperia, si unanimi vi-
 cinorum populorum consensu, quasi proximo
 aggere suis regionibus per initia cohibeantur, vix
 est ut gravem aliquam aut memorabilẽ cuiquam
 cladem inferre possint. Sin autem perruptis finiti-
 morum unis aut alteris claustris & imperij prola-
 tandi dulcedine semel animos deliniverint ac sui
 nominis terrorem reliquis etiam injectum senser-
 rint, nulla certè tanta vis est, nullum tam vastum
 aut violentum repagulum, quo furentes isti am-
 bitionis impetus queant amplius coërceri. Quod
 quicunq; post homines natos viri sapientes per-
 spexerunt (perspexerunt autem omnes, qui quidẽ

prudentiam ad res gerendas adhibendam esse ra-
 ti sunt) ij semper statuerunt, boni atq; patriæ
 amanti civis maximè autem Principis esse, dili-
 genter ac maturè providere, non modò ut in sua
 Repub: benè beateq; suis civibus ac populis esset,
 sed etiam ne qui finitimi vel Reges vel populi in
 vicinorum sedes, quacunq; tandem obtenta ju-
 stitiæ specie ac prætextu, per vim irrumpe-
 rent, regni cupiditate allecti, suos fines in
 vicinorum ditionē ambitiosè propagarent. Hinc
 olim Romani Carthaginensiu crescentem poten-
 tiam, missis auxiliaribus copijs, quæ Mamertinos
 obsidione liberarent, & Hispaniam ab Afrorum
 servitute vindicarent, omninò sibi putarunt esse
 imminuendam. Hinc Antiochū Epiphanem, tu-
 telæ specie, A Egypto inhiantem suis finibus ac re-
 gionibus circumscripserunt, neq; nunquam ali-
 cujus vel Regis, vel populi potentiam in immen-
 sum crescere passi sunt. Hinc etiam nostra, mayo-
 rumque nostrorum ætate Venetoru illa eximia
 sapientiæ laus ac prædicatio extitit: qui cū se haud
 temere ad bellum suscipiendum commovere un-
 quam

quam soleant, ita tamen sua consilia semper temperarunt, ut si quando vicinos, vel populos, vel principes, cernerent, immoderato ambitionis impetu in vicinos vim intentare, sua semper arma infirmioribus praesidio esse voluerint: ut tanquam in trutina liberatis populorum ac Principum Italiae viribus, nemo existeret, qui se Venetam Rempub: speraret arinis posse opprimere. Quod quidem constans ac perpetuum eorum institutum inter multa alia praecelara vel praecipuum habetur, quod illam Rempub: non modò jam ad mille & amplius annos florentem conservarit, sed omni etiam virtutis ac sapientiae laudè apud exteras omnes gentes cumulatam atq; admirabilem reddiderit.

Atq; hoc quidem exemplum Laurentius Medicus vir sua aetate omnium in Italia sapientissimus, summo studio atq; industria ita secutus fertur, ut alta Italiae pax & beatissima tranquillitas, illa aetate, ejus unius prudentiae, omnium propè scriptorum calculo tribuatur, propterea quod tunc suis consilijs tum Reipub: Florentinae, in qua clavam tenebat, armis atq; auxilijs omnium Italiae Prin-

Principum cupiditates ita frenabat, ut si quis extra suos fines, ambitionis ruēs impetu, quicquam tentâſſet, ille continuò reliquorum principum ac populorum armis & autoritate coërceretur. Atq; hoc quidem certè nemo eſt, qui non videat, ſentiat, ſtatuat, nemoq; qui non eos populos graviter incuſet, & verò etiam proditæ patriæ reos peragat, qui vel metu perterriti, vel ignavia fracti, vel otij & quietis ſuavitate illeſti, vel tarditate & quaſi quodam veterno conſepulti, vel deniq; civilib9 ac domeſticis contentionibus implicati, finitimorum regum & populorum ambitioſa imperia, per ſocordiam ita paſſi ſunt propagari, ut cum poſtea eorundem vim atq; impetum ſuſtinere non poſſent, triſtiſſima calamitate ac pernitiæ & ſe & patriam ſuam involutam cernere coacti ſint. Ecquis enim eſt noſtrum, qui non cenſeat, veteres olim Gallos, ſi unanimi omnes conſenſu, Iulij Cæſaris arma initio repuliſſent, Rem pub: à Romanorum ſervitute liberam nullo negotio tenere potuiſſe? Sed dum alij vicinorum ærumnæ atq; interitus otioſos ſe præbent ſpectatores, alij ſuis etiam armis

mis atq; auxilijs potentiam Romanam corroborant, perbreve tempore eò res adducta est, ut amplissimum illud potentissimumq; imperium in provincias redactum, turpi servitute penitus fuerit oppressum.

Quid Italia ipsa? Si adolescentem Romanorū potentiam sub initia communibus armis ac viribus cohibuissent, neque passi essent sigillatim Antiates, Crustuminos, Ceninenses, Latinos, mox etiam Volscos, A Equos, Sabinos, atq; inde porro Samnites Umbros, Brutios, Hetruscos, aliosq; singulos per se populos sub jugum venire, an non & suam libertatē tutati essent, & reliquos Europæ populos à fœdæ servitutis capistro vindicassent? Et tamen, vix quisquam illorum est exemplis factus sapientior. Et dum omnes de alijs quidem rectè judicârunt, nemo est qui suis temporibus Iudicij illius fructum ad se potuit traducere.

Atq; ita post Italiani, Sicilia, mox Africa atq; inde porro omnis Asia, & propè universus terrarum orbis, laxissimo Romanorum jugo subacta,

focordiæ atq; stultitiæ pœnas dedit. Eadē penitus vel vœcordia vel stupore Christianorum Principum animi olim occupati, Saracenorum genti atq; imperio eas opportunitates dedere, quæ florentissimas totius Asiæ, Africæ, atq; Aegypti Ecclesias funesto Mahometicæ servitutis jugo turpiter oppressas, à vera cœlestis doctrinæ cognitione penitus abalienârunt.

Quorum tyrannidem excepit crudele Ottomanorum Imperium, quod quidem ex minimis & planè contemnendis ortum initijs, paulò momento ita mirabiliter excrevit, ut jam non Asiæ aut Africæ regna, sed ipsius Europæ penitissima viscera pervalerit, vastarit, everterit.

Atqui nemo non videt, ipsos Christiani orbis Principes ac populos, dum vel domesticis dissidijs inter se implicati, vel ignaviâ perterriti, vel ambitione ardentes, vicinorum cladem ad se minimè putant pertinere, satis sibi quisq; virium fore rati, ad gladios Turcarū à suis finibus depellendos, illorum feritati & spaciū temporis & opportunitatem eam dedisse, quam ne ipsi quidem vix un-

quam

quam optare, sperare certè nunquam ausi fuisset. Quo quidem incendio, nisi Germaniæ dulcissimæ nostræ patriæ virtus obstitisset, quæ communi consilio atq; imperij decreto, vires suas ac vectigalia conjungenda esse putavit, ut quoties necesse esset, Ottomannicam illam potentiam, vel suo certo periculo cohiberent, jam pridē orbis Christianus universus conflagrasset.

Eadem illa Germaniæ virtus olim se Romanis armis sola objecit. Cum enim reliqui & Europæ, & Africae, atq; Asiæ inde usq; ad Persas & Parthos ferè omneis populi, ea quam diximus imprudentia, jugum illorum admisissent: Soli Germani conjunctis viribus, eorum potentiam multis præliis fregerunt, & sæpe victores, sæpe etiam victi, ita semper vires reparârunt, ut oblata tandem per civiles Imperij Romani dissensiones occasione, ipsi etiam ex Germania magnis exercitibus comparatis, in Romanorum ditiones undiquaque irrumperent, & eos qui alijs ante gentibus imperârant, non modò sub Germani Imperij jugum ire docuerunt, sed propè ad internecionem

etiam deleverunt. Quæ certè virtus, nullis laudibus, nulla prædicatione, satis poterit unquam celebrari.

Sed quo major ac præclarior illa fuit Majorū nostrorum virtus, eo majori cum admiratione ac dolore, boni omnes ingemiscunt, nos jam ab avita illa fortitudine degeneres, tacitos, otiosos, ac securos cernere ac pati Hispanorum superbum & crudele jugū, prope jam universo terrarū orbi impositū, etiam nobis posteritq; nostris imminere.

Nolo equidem, vel gentes, vel principes inter se comparando, nomini cujuspiam invidiam excitare. Omnis enim servitus & gravis, & viro indigna est. At vero Hispanorum servitus, quos jam nuper à Mauris & Saracenis ortos, sævissimæ Inquisitionis terror ad Christiani nominis confessionem, invitos atq; obstinatè reluctantes, per vim coëgit, an Turcarum servitute tolerabilior cense-ri possit, haud facilè pronunciaverim. Esto penes Granatenses, penes Indos, penes Neapolitanos hoc judicium.

Illud certè constat, Romanorū jugum, & si
prop-

propter inexplēbile Imperatorū ac militum avaritiam (quorū hybernīs plures sociorum civitates deletæ traduntur, quam armis hostium urbes) gentibus esset intolerabile, tamen ob multas præclaras populi illius virtutes, si cum Hispanorum superbia, crudelitate, avaritia conferantur, servitutem illam libertatis, obediētiā imperij nomine meritò cenferi potuisse. Sed quoquo modo se hæc habeat, illud certè exploratum est, nisi maturè provideatur, & communi atq; unanimi reliquorū Regum ac Principum consilio, Hispanorum conatus atq; animi frangantur, propediē fore, ut eorum viribus per communē socordiam in immensum auctis, serò & frustra se sint objecturi, qui commune hoc Christiani orbis incendium ad se nihil dum putant, pertinere: ac proinde, rati se, si quid in suis finibus tentetur, facile vim omnē esse domesticis armis propulsaturos, vicinorum Belgarum cladem imminentē otiose spectant: Neq; vident hac sua socordia Hispanicæ ambitionis ac superbiæ flammās accensas, ea capere incrementa, quibus post, & ipsorum tecta

& universi orbis Christiani omnes provinciæ ditiones, ac regna brevis sint conflagratura. Neque enim est, quod quis existimet Brabantia, Flandria, aut Hollandia regionibus, hujus incendij faces compressas, posse coerceri, cujus jam non scintillæ, sed ardentes flammæ, non modo Italiam, sed Galliam, Angliam, Scotiam, & Germaniam ipsam, atque universum denique terrarum orbem, longè lateque pervagatae incenderunt. Atqui ne Hispani quidem ipsi dissimulant, orbis terrarum Monarchiam fata sibi deberi: utpote quorum virtus ac fortitudo novum, atque ante incognitum terrarum orbem, armis subactum, legibus atque institutis ornaret, moribus ac disciplina expolierit, & Catholica denique ac Romana religione imbuerit. Sui esse muneris prædicant, constituta Monarchia, reliquos Christiani orbis populos ad eandem fidem ac disciplinam adducere, & omnes de religione controversias, nominis sui atque Imperij terrore, armorumque virtute componere. Hæ illi non modò palam dictitant, quotidianisque sermonibus usurpant, sed re ipsa, & omnium consiliorum, actionum,

num, rationū, rerumq; gestarū certissimis atque indubitatis indicijs apertè confirmant. Nihil enim aliud agunt, nihil spectant, nihil cogitant, quam ut subactis semel Belgij populis, sedem ibi belli statuant, unde quam minimo negotio, & in Germaniam, & in Angliam, & in Galliam, quoties adlibuerit perrumpant. Et primū quidē in eos supplicium statuant, quos suis studijs minus fuisse faventes, vel levi suspitione judicabunt: Atq; inde porro reliquis Christiani orbis Regibus ac populis, quodcumq; videbitur pro libidine impetrent, & si qui dicto minus erunt audientes, eos à finitimis desertos, & hostili manu undiq; cinctos, infestis armis opprimant, & subjugum servitutis mittant. Eò sua omnia consilia, rationes, conatus, jam inde usq; intenderunt, ex quo oppressa armis Italia, non modo in Germaniam, Religionis instaurandæ prætextu, fecere impetum, sed etiam orbis Christianæ Monarchiam omnem sibi subijcere tentarunt.

Quod quidem ut perspicuè intelligatur, operæ pretium erit, nos hic vobis, Potentissimi ac Serenissimi.

nissimi orbis Christiani Reges, Principes atq; ordines Amplissimi, Hispanicorū, consiliorū, institutorum atq; actionum omnium seriē, inde uq; à primis initijs ad hæc tempora, ordine ac breviter explicare: ex qua mens eorū atq; animus, & spes omnis atq; institutū perspicuē elucescat: Ut ita communi malo, communibus consilijs remedium opportunum maturē quæratur.

In quo nihil equidē dicam, nisi quod in omnium oculis positum, & quasi in quodam amplissimo orbis theatro gestū, nemini poterit esse obscurū. Quod quidem ego dum vobis ab oculos pono, Viri Principes, quæso, paulisper attendite, atq; animum ab omni præjudicata opinione ad cognoscendam rei veritatem, diligenter ad vertite.

Postquam itaq; gens Hispanica Ferdinandi virtute Maurorū jugo liberata, longoq; armorū usu atq; exercitatione roborata, reliquis se gentibus ac populis bellica laude, vel superiores, vel certē pares esse posse statuerunt, continuò ad occupandam Italiam animū adjecerunt: præsertim
cum

cum ab Arragonijs, qui olim ex Hispania oriundi
 sedes suas Neapoli fixerant, ad subsidium contra
 Gallos vocati, florentissime ditionis amplissimam
 ubertatem, atq; omnium rerum redundantem
 copiam oculis & animo lustrassent: & jam Sicili-
 am Insulam ad importandos commeatus, trajici-
 endaq; militum copias, & ad omnia deniq; belli
 gerendi sustentandiq; præsidis longè oportunissi-
 mam, Gallis etiam multò antè tempore creptam
 tenerent. Itaq; deserta ejectaq; Alfonsi stirpe, cum
 Gallo fœdus ineunt, & de repartienda inter se uni-
 versa provincia paciscuntur. Ex quo cum Gallos
 ad belli procurationem segniore cunctantiores-
 que factos viderent, orta de finibus contentione,
 acriùs bellum instaurant, ita tamen ut non multò
 post, opera Philippi Archiducis (cui filia nupserat
 Ferdinandi) pacis novæ conditiones propositæ
 sancirentur, quo stratagemate Gallicis subsidijs
 quæ jam in procinctu erant, remoratis, à Consal-
 vo reliquæ Gallici exercitus ad Gariglianum flu-
 men penitus cæsæ fuere ac profligatæ, atq; ita Gal-
 lis omnibus Neapolitano regno procul ejectis,

D

Hispa-

Hispani opportunissimam belli sedē, ex qua Italiæ toti imperarent, collocatis præsidijs, & substructis arcibus ac munitionibus occupant, Cumq; jam idē ferē tempus, autoritate Pontificis Romani, Vastissimis illis Indiarum regionibus inter Lusitanos & Castelanos repartitis, universam Americam, atq; Indiæ occidentalis amplissimū complexum, admirabili & nunquam ante audita crudelitate vastatum, imperio suo subjecissent, & simul inferioris Germaniæ, quæ Belgicam Galliam attingit, Principes ac ditiones affinitatis necessitudine sibi conjunxissent, rati jam se habere ærarium unde belli gerendi facultates depromerent, partim propter auri atq; aromatū incredibilem copiam, quæ ex Indicis navigationibus in singulos propē annos advehebatur, partim ob mercium innumerabilem transvectionem, quæ à Belgicis ac Batavicis mercatoribus ac navigatoribus cū Hispanicis instituta, vectigalia mirificè auxerat, ad reliquam Italiam sibi subjugandam animum adjecerunt, ac proinde in Subriam universam, feracissimam certè ac florentissimam Italiæ partē, sub specie

specie auxilij Sforziæ ferendi, Gallis ereptam, mox etiam Sforzia oppresso occupatam Hispanicis præsidij firmârunt. Florentiæ, Senæ, Pisæ, atque adeo Vniuersæ Hetruriæ statum commutârunt, imposito illis Duce, quem suis partibus ac studiis addictû noyant. Parmam & Placentiam arcibus & præsidio firmârunt, Genuam, Ligustici Maris portum factionibus ac dissidijs domesticis agitatam, confirmata Dorijs autoritate atq; imperio, sibi addixerunt.

Deniq; varijs artibus Vniuersam propè Italiam sibi addixerunt; extremos certè illius utrinq; fines penitus mancipârunt. Et necdum satiata regnandi cupiditate, cû multos etiam nû restare principes ac populos interjectos cernerent, qui non modo ipsi essent Hispanæ gentis imperiû detrectaturi, sed alijs jam subactis populis, Vindicias ad libertatē fortasse etiam daturi, putârunt eâdem sibi via propulsandum hunc esse metum, quam pridem ante in ipsis Hispaniæ visceribus ad liberrimam Arragoniorum gentem penitus edomandam tenuerant, cum nimirû, injecto inquisitionis fræno,

& procures atq; ordines in regni Comitij libertate suffragiorū spoliarunt, & provinciam omnem insignibus immunitatū prælijs atq; ornamentis nudarunt, & populum deniq; universum acerbissimo tyrannidis terrore oppresserunt.

Itaq; omni studio & contentione primū Neapolitanis, mox Mediolanensibus & Siculis, alijsq; finitimis gentibus. Inquisitionem, religionis catholicæ tuendæ prætextu obtrudunt. Sed cum generosis animis obfirmatè obersistentibus minùs id succederet ex sententia, suppresso ad tempus Inquisitionis nomine, alias ad perficiendum institutum technas conquirunt. Iungit se Rex Philippus ætissima fœderis necessitudine cum Pontifice Romano, cujus & imperium est amplum in Italia, & autoritas apud omnes sacrosancta. Ei se spondet religionem Catholicam Romanam non modò sartam rectam in suis ditionibus tueri, sed in alienis etiam velle studiosè instaurare: & se fœderis contra Lutheranos initi principem profiteretur: hac ratione & Hispanici imperij invidiam elevari, & Italos principes in fœderis societatem par-

partim studio partim metu adscitos, arctius devinciri posse sperat. Accessit Iesuitarum crescens passim sub idem tempus autoritas ac potentia. His enim usi corycæis atq; exploratoribus, seu Inquisitionis familiaribus non modò in singulas principum ditiones, sed in ipsa etiam tecta & penetralia viam sibi patefaciunt, eorumq; animos tū pietatis existimatione ac religionis reverentia, tū fulminū Pontificiorū meru, à rerum novandarū studio absterritos, in officio retinent, & alteros alteris inter se invisos ac suspectos reddunt.

Eorundemq; opera atq; ambitione muneribus ac præbendis Ecclesiasticis ex usu ac re sua in quos velint repartitis, Hispanici nominis potentiam ac terrorem mirificè stabiliunt. Ita nuper Venetam Remp; tum submissis Inquisitoribus; tum injecta de Aquilegiano patriarchatu cui velint decernendo controversia, paulatim sibi addicere tentaverunt, & jam pridem reliquos propè omnes Italiæ principes, & verò etiam eos qui genti Hispanicæ paulò viderentur infensiores, his artibus edomitos, quàm obsequentissimos sibi reddidere,

Eâdem porrò regnandi cupiditate ardentes, iisdemq; consili strâtagematis, jam olim, cum Carolo Quinto Electorum suffragijs Germanici Imperij moles esset imposita, primum quidē Gallia regnum infestis ex Belgij armis & sæpè & graviter divexârunt, mox vero in ipsa Germaniâ superioris intima viscera, religionis Pontificiâ instaurandæ prætextu, impetû fecerunt, victisq; prælio protestantiû Ducibus, de illa undiquaq; occupanda, & suæ dominationis jugo subjuganda seriò cogitârunt, ac proindè munitissimas quasq; arces atq; oppida in ipso Germaniâ umbilico Hispanico præsidio communierunt. Sed cū neq; eorû ambitiosissimis studijs Caroli Imperatoris æquitas satis responderet, neq; ea quæ occupârant loca, & longo remota intervallo ab Hispanicis, & fortib⁹ undiq; ac bellicosissimis cincta gentibus, diu se posse tenere animadverterent, & jam singulari Mauritiij virtute atq; armis inde pulsi, Superiorem omnē Germaniam relinquere cogentur, & in Callia jam sæpius renovata bella optato successu carere cernerent, optimam quidē illam, quam certa spe devo-

devorârant, prædam è faucibus sibi creptam graviter ferentes, paulisper substiterunt, donec post Caroli Quinti ex Belgio discessum, ambitioso, superbo, & verè Hispanico Philippi Regis ingenio ad suas cupiditates abusi, alia sibi via, quod pridè instituerant, aggrediendum decreverunt.

Animadverterant enim se neq; in Germaniam, neq; in Galliam, posse quoties adlibuisset exercitū ducere: Et si pòt duxissent, comitatum ac bellicgerendi facultates primo quoq; die defuturas, nisi occupatis, & in suam potestatē reductis Hollandiæ ac Zelandiæ portibus, constitutoq; in reliquis Belgij provincijs Hispanico præsidio, ac impetratis quibus opus esset stipendijs, & belli quoties vellet inferendi, & ejusdem quam diu videretur sustentandi, prorogandiq; sedem oportunam delegissent. Cum autem se id salvis gentis Legibus atq; immunitatibus ægrè posse impetrare viderent, propterea quod ex illarū sanctionib9 exteris gentibus exclusis, omnis Reip: administratio penes indigenas esset, & nulla civitatib9, vel vectigalia, vel prædâ, nisi ex Ordinū consensu imponi possent, omnino

omnino statuerunt antequam ulterius Imperij ac dominationis limites propagarent, illas Belgij Provincias esse arctioribus imperij: habenis coërcendas, suisq; illis legibus, institutis, immunitatibus ac privilegijs, & cunctis deniq; cum libertatis firmamentis, tum præfidijs dignitatis spoliandas, ut ita erectis pro arbitrato suo ex truncatisq; arcibus, imperatisq; vectigalibus ac stipendijs, ex florentissima provincia sedē belli ad sua studia opportunissimam cōstituerent, ex qua deinde aliquot Hispanicis legionibus firmata, & suæ fidei penitus mancipata, quocunque inde adlībuisset, impetum facerent.

Ex eo itaq; tempore, omnia sua consilia, omnes rationes, omnes deniq; actiones ac studia hūc intenderunt, ut in Belgio qua vlt, quaq; injuria, præfidia Hispanica, per provincias, ad decem (ut minimum) Veteranorum militū millia repartirentur, quib: indigenarum Gallorum militum robur adjungerent, eosq; ordinarijs equitū turmis, quas in Belgio semper paratas, instructasq; ex ritu veterum illius Provinciæ ducum ac Principum Rex habebat.

habebat, communirent: eas deniq; vel devincta sibi per foedus atq; amicitiam Germani cujuspiam fide atq; opera, vel certè occupata Germaniæ vicina aliqua civitate equitatu Germanico, quoties ita ferret usus, roborarent.

Ad hanc rem Ericum Ducem Brunsvyicensem per initia delegerunt, quem annua pensitatione oblata, quasi quodam authoramento, Philippus Rex fidei suæ devinxit: eodemq; tēpore de Colonia, vel Monasterio occupando consilia inierunt. Sed cum Belgij ordines Hispanica præsidia obstinatè recusarent, eaq; ipsa, quæ tum ex belli Gallici reliquijs ibi manserant, deduci importunè flagitarent, pecuniam imperatam nisi id fieret, obfirmatè renuentes, oportunitas illius cladis, quæ in Africa sub idem tempus ad Gelbos extitit, qua quidem legiones Hispanicæ propè ad internecionem deletæ sunt, effecit, ut quam Belgarum petitionē Rex Hispaniæ ferebat indignissimè, & vero etiam quasi atrox rebellionis crimen gravi supplicio mulctandam decreverat, eam rerū necessitate victus, nō planè sibi ingratam esse simulârit, & præ-

E

sidia

fidia Hispanica ex Belgio deduci pass⁹ sit, ut Italiae & Hispaniae fines, & quas in Africa tenebat munitiones, ab Afrorum & Turcarum irruptione communiret: Sed certò tamen consilio ac decreto (quod ne ipse quidē potuit dissimulare, & Hispani etiam scriptis editis testati sunt) ut prima quaquam nova occasione, infesta Hispanorū præsidia eò iterum ablegarentur, quorum vi atq; armis, & illa (ut arbitrabatur) Hispanico nominis iniusta macula elueretur, ac universae gentis Belgicae libertas arctioribus imperij frenis coerceretur.

Ad eam rem perficiendam, nulla se obtulit occasio speciosior, quam religionis Romanae constituendae constans atq; invictū Regis Philippi studiū, cura, sollicitudo. Itaq; ex Hispania datis subinde literis, graviter queritur, rem illam neq; Parmensi neq; proceribus ac magistratibus cordi satis esse, Omnino se videre mihi violentiora atque acriora adhibeantur remedia, Catholicam religionē in Belgio brevi pessum ituram. Id verò se nequaquam passurū esse, sed omniū regnorū ac ditionū reliquarū facturū potius jacturam. Itaq; plac-

nē ac

nè ac seriò velle, ut edictorū de religione acerbitas, sine ulla dissimulatione ad unguē observetur, nullāq; de causa vel tantillū remittatur, sed acrius etiam intendatur. Ad eam rem, novi per proyincias Episcopi undiq; instituantur, qui munus Inquisitorū exequantur strenuè: ijs omnibus præsit Granvellanus Mechliniensis Archiepiscopus, qui jam à Pontifice Galerum Cardinalitium acceperat & propter intolerabilem ambitionem atq; effrenem dominandi cupiditatem, apud omnes ordines gravissima invidia flagrabat.

Episcopis autem illis, ut eò gnavius muneri inquisitorio intenti essent, præda distribueretur ex manubijs reliquorū Ecclesiastici ordinis beneficiorū, quos ajebant nimium esse remissos, in persecutendis mulctandisq; hæreticis: simulq; summa daretur potestas judiciorum in omnibus ijs causis, quæ vel palam, vel obliquè ad religionis negotium spectare viderentur. Atq; ita uno tempore, unaq; opera, omnes gētis ordines pariter offēdebantur.

Nam & Proceres graviter ferebant Reip: procurationē sibi ereptam, in unum hominē novum, atq; exterum Granvellanium conferri: No-

Nobiles indignè ferebant summum de suis capitibus, & fortunis omnibus iudicium penès aliquot homunciones obscuros, viles, atq; inopes, contra morem patrium fore, quos intelligabant suis facultatibus inhiantes, facilè criminandi occasionem ad suam perniciè esse aucupaturos: Urbium magistratus fremebant, Iudicia contra leges ac jurata è Principe privilegia civitatib9, eripi, & mandari hominibus nullius pretij, qui & extero principi Pontifici nimirù Romano, Sacramento obstricti essent, & jam ante infinita avaritiæ & crudelitatis specimina edidissent: Univerſa denique plebs lupos fortunis suis inhiantes pro pastoribus datos sibi querebatur, ita ut infiniti mercatores de patrijs sedib9 descrendis cogitarent, & verò etiam innumerabiles in exterarum regiones commigrarēt. Ea cū varijs supplicationibus, libellis nuntijs, ac legatis ad Regem referrentur, omnesq; ordines studiosè intercederent, ut ne tanta rerū innovatione populo fidelissimo præberetur occasio de antiqua fide ac benevolentia in Principē quicquam remittendi, omnia corū postulata Rex non modò
obsti-

obstinatè respuit, sed voluit etiam Tridentini Cōcilij decreta, quibus omnia penè jura patria labefactabantur, sanciri. Videbat enim adesse jam occasionem diu multumq; expetitam. Etenim futurum, ut vel si dicto parerent, Inquisitorū potestate semel constituta, convulsisq; legibus atq; institutis patrijs, haud difficilè tollerentur è medio, qui vel authoritate, vel gratia apud populū valerent: atq; ita Hispanica præsidia, & nova Reipublicæ forma introducerentur. Vel si renuerent, læsis jam omnibus per æquè ordinibus, tumultus aliquis necessario oriretur, ad quem coercendum præsidia mittenda censerentur: vel quoquo modo res caderet, obstinatè neglectū Regis mandatum, quasi atrox læsæ majestatis crimen satis causæ ad gentem omnem, ferro atq; armis mulctandam, videretur. Neq; fecellit consilium eventus. Cum enim ex flore Nobilitatis nonnulli oblato in curiâ libello supplices retulissent, quam esset illud Regis institutum & Reipub: perniciosum, & ipsi Regi damnosum, & sibi periculosum, rogassentq; ut tantisper Inquisitionis illa promulgatio

differreretur, donec de eorum postulatis, Rex ipse in Hispania per legatos, viros ex summo ordine primarios, cognovisset, plebs hac occasione majorē aliquam tibi libertatē concessam raat, religionē Evangelicam, quæ Regi atq; omnib⁹ Hispanis erat inviolissima, cōpit, licentiosius fortasse quam par esset, profiteri, ac publicè exercere. Hac occasione tam speciosā, Rex primum quidem universum illū nobiliū ordinem, qui libellum obtulerant, majestatis damnavit. Legatos qui ad se in Hispaniam ex Paimensis pro Regina mandato venissent, capite mulctavit; & simul legiones veteranorum ex Hispania Duce Albano misit, qui procures ac nobiles omnes, qui Hispanorum studijs minus favissent, religionis prætextu è medio tollerent: in optimos quosq; capitis pœnam sancirent: plebem universam gravissimis oneribus, vectigalibus ac servitute durissima mulctarent; in urbibus atq; oppidis arces conderent: deniq; ordines ac Magistratus autoritate, Nobilitatē dignitate, ac splendore, populum fortunis, civitates legibus immunitatibus & antiquis privilegijs, uni-

ver.

versam deniq; provinciā omnibus ornamentis
 ac præsidijs nudarent: atq; ita Hispanicis illis de
 belli sede, in Belgio instituenda, consilijis viam a-
 pertrent: Quæ quidem omnia quam sedulo ac di-
 ligenter Albanus præstiterit, cum in omnium ocu-
 lis ac luce versetur, nihil attinet, commemorare.
 Atqui nō ad Belgij provincias (quæ certè imperiū
 minimè detrectabant) subiijciendas, sed ad Hispa-
 nicam in Europa Monarchiam stabiliscendam, eam
 manifestè spectavisse, an potest cuiquam esse ob-
 scurum; qui quidē eorum consilia, rationes, actio-
 nesq; omnes volet advertere? Nam initio quidē
 ad Albani adventum, Coloniā, ad Rhenum ur-
 bē, eo prætextu, quod Regis Hispaniæ perduelles
 hospitio ac civitate donassent, invadere cogitavit,
 & simul eodē tempore Monasterium, V Vestpha-
 liæ oppidum, suæ potestati subungere. Quod qui-
 dē, nisi Aurajæ Princeps cōparatis ex Germania
 copijs, ejus impetū & cōsilia intervertisset, utrum-
 q; haud dubiè confectum uno tempore vidissem?
 Neque tamen proterea desijt Colontensibus
 mandata quæ vellet, præscribere, & senatum gra-
 vissi-

vissimis comminationibus ad obsequium cogere. Cum Trevirensi, qui eo tempore suū illi obsequiū ad Regis Hispaniæ consilia atq; instituta conficienda pollicebatur, primum quidem secretò tractare in perniciem illustrissimi sanctæ memoriæ Comitis Friderici Palatini: mox verò etiam contentionem suscipere de urbe Trevirensis ditionis præcipua, quam in regis Hispaniæ protectione esse contendebat. Clivensi Duci Cōsiliarios eos dare, qui in ejus ditionibus non aliter ex præscripto imperarent, quam si suæ ditioni subjectas Rex Hispaniæ tenuisset. Embdanū Comitē clientelæ nomine beneficiarium sibi reddere. Leodiensibꝫ arma, tela, comēatum atq; auxilia impetrare, & in omnibus deniq; finitimis illis pooulis merū imperium exercere. Mox autē Serenissimæ Anglorū Reginæ, mercatorij contractus nomine, controversiam moverunt, Anglos omnes qui in Belgio essent, arcta custodia coercuerunt. Reginæ, quos vellent in Anglia proscribi, atq; exilio mulctari, edixerunt. Iptius Anglicani regni perduelles, homines nefarios & cōspirationis in Reginam factæ

con-

convictos, non modò finibus atq; hospitio exceperunt, sed etiam muneribus ac largitionibus, annuifq; pensitationib⁹ locupletârunt. Scotiæ Reginam ad res novas moliendas varijs artibus concitârunt: eosq; qui Scotiæ Proregem nefariè trucidârant, etiam præmijs atq; honoribus affecerunt, eorumq; opera, consilio, manu, ad multas res usi sunt. Quid? quod ipsam Reginam Pontificis Romani diplomate, hæreticam atq; illegitimam regni hæredē pronūciari curârunt, nefarijsq; cōspirationibus, in ipsius regni visceribus excitatis, in vitę discrimen adduxerunt, regnūq; ijs qui vellent diripiendū occupandumq; publicârunt? Sigillatim autē Aultriacō datū est negotium, ut rebus in Belgio constitutis, ferro atq; armis Angliam invaderet: Scotiæ Reginam in matrimonium dūceret, cum qua regnū Angliæ, Scotiæ, atq; Hybernix sibi vendicaret. Quod cum renovato cum Ordinibus bello minimē successisset, iterum alia via per Hyberniam tentandū esse putaverunt. Misse sunt itaq; Pontificis quidē Romani nomine, instituto autē ac voluntate Philippi Hispaniarū Regis, in

Irlandiam, Italorū & Hispanorum copię, quæ ex illa Insula, quam se fidei suæ addictam sperabant habituros, in Angliam porrò impetu facto, in suam potestatē universum illud regnū subijcerent. Et nisi Ducis Albani, rei difficultate perterriti, consilio, Philippus Rex eam rem in meliorē temporis oportunitatē differendam decrevisset, jam pridē universa belli moles in Angliam translata esset: ut nimirū illa primū occupata atq; ea ratione Oceano Gallico & Britannico in potestatem redactō, felicior esset Belgij opprimendi ratio. Galliam porrò inter ea per tencram Regū atq; varijs dissidijs fluctuantē, omni studio, arte, industria, omnibus denique machinis intestino bello implicarunt, ut florentissimū illud potentissimumq; regnum, domesticis armis ad interneccionem propē attritum, possent sine multo negotio, cum ulus ferret, opprimere. Interea autem quas illi civilibus ijs bellis faces submoverint, quæ auxilia subministrarint, quæ dissidia excitarint, quæ partium studia, factiones, simultates, foedera, conspirationes ad fovendum illud miserum incendium ex-

cogi-

cogitârint, quid attinet dicere? cū ipsi Regi Christianismo notum sit, illos non semel populos sibi subditos ad defectionē & ad arma contra se capef-
fenda sollicitâsse. Et ne quis illud Religionis catholicæ zelo factum autumet, etiam ipsos Religionis Evangelicæ propugnatorū ac principum animos ingentibus pollicitationibus, muneribus ac pecunia pertentâsse. Cum ad ejus Majestatem sæpe numero certis indicijs relatum sit, quas illi machinas ad privatos inultos civitatum ac portuum maritimorū præfectos corrumpendos, & ab ejus fide alienandos adhibuerint: quod ipsum etiam Navarra Regem promissa pecunia ad dirumpenda pacis fœdera studiosè sollicitârint, & ne quidē à Regis fratre serenissimo Andium Duce in fratris ac totius regni perniciem armando, sollicitandoq; abstinerit. Et cum cum suis cupiditatibus minùs obsequentē cernerent, veneno ac submissis sicarijs è medio tollere tentârint, ut interea omittant pensionariorū, quos vocant, numerū nō modō ex Iesuitarum & Inquisitionis corycæorū grege, sed ex alijs stipendiarijs, quos nō modo apud

Galliæ Regē, sed apud omnes ferè Christiani orbis Principes ac populos ex intimis & maximè arcanis consilijs suæ fidei addictos habet Rex Hispaniæ, qui quoties opus sit, Rempub: turbent, subditos ad arma concitent, consilia adversa dissipent, & quod sibi ex usu sit, decernant. Sunt enim hæc plana, aperta, & verò ipsis etiam Regibus & Principibus, in quorū perniciē comparantur, multò notissima. Et nemo tamen est, qui vel hiscere quidem audeat vel mutire. Tantus scilicet omnium animos Hispanici mominis terror occupavit. Nam quid ego de Germania nostra dicam? quæ cū in omniū maximo versetur periculo, & propè jam Hispanicæ ambitionis gurgite absorpta sit, omniū tamen maximè secuta periculum negligit, & vicinorum tectorum incendiū jam usq; ad intima sui ipsius viscera pervagatum, nihil ad se pertinere putat: ita quæ & suam privatam, & communem orbis, Christiani libertatem olim omniū strenuissimè tutari solet, ad repellendum hoc Hispanicæ servitutis jugum, videtur omnium ignavissimè obtorpuisse.

Sanè

Sanè habet in Germania Philippus Hispaniæ Rex non jam occultos exploratores aut pensionarios, qui Principū consilia, atq; arcana ad se deferant: sed publicū assessorem in Camera Imperij, per quem de causis omnibus ac negotijs Germaniæ cognoscat, & tanquam unus aliquis ex Germaniæ Principibus dijudicet. Sedet etiam per legatos in omnibus Imperij confessibus, omnia comitia perlustrat, omnia deniq; arcana explorat, neq; minus habet perspecta quam ipsi Germaniæ septemviri Electores. Quo quid potest esse indignius, quid Germanico nomini contumeliosius, quid aut libertati insidiosius, aut perniciosius saluti, quàm nullū existere Imperij in Germania confessum, nulla comitia, nullum Senatū, nullum ordinum conventum, ac ne commune quidē Iuris ac Iustitiæ tribunal, nisi inspectante, cognoscente, ac propemodum iudicante, imperanteq; Hispano? Quid ita? quia videlicet circuli Burgundici nomine, qui inter Germanicę circulos censetur, etiam inter Imperij Germanici mēbra habend⁹ est Rex Hispanus. Quid hoc quæso est, Illustrissimi

Principes, nisi vestro nomini, authoritati, gloriæ
 apertè illudere, & vobis videntibus, scientibus,
 prudentibusq; servitutis Hispanicæ capistrū im-
 ponere? Anno à Christo nato quod mille quingen-
 tos quadragesimo, ni fallor octavo, cum vi atque
 armis oppressam teneret Germaniam Carolus
 Quintus Imperator, Augustæ armatis Hispanicis
 atq; Italicis legionibus septus, comitia indixit: Re-
 tulit multas, in inferioris Germaniæ, quæ Galliam
 attingit parte, esse tum urbes, tum provincias, quæ
 antiqua lege & consuetudine à Camera Imperij
 jura solerent accipere, ad Germaniæ commune
 tribunal provocare, & deniq; in Germaniæ circu-
 lis atq; imperio censerì. Ex quo cū sæpè variæ ori-
 rentur controversiæ, velle se una opera & litibus
 finē imponere, & Germaniam beneficio afficere:
 ac proinde decernere, ut post hac omnes omninò,
 quas tum in Germania inferiore, tū in Gallia Bel-
 gica provincias ac ditiones tenebat, in unum Im-
 perij circulū redactæ, Burgundici circuli nomine
 censerentur. Eò nomine, se suosq; posteros impe-
 rio pensaturos, quantū ad bellī Turcici vectigalia
 sole-

soleant pendere duo Electores, de cætero univer-
 sam illam ditionē non tantū ab omnibus Imperij
 indictionibus collectis ac subsidij liberam fore,
 sed etiam omni Cameræ jurisdictione, legib9, atq;
 edictis Imperij solutam. Hæc scilicet est merces
 spoliatae nostræ Jurisdictionis, authoritatis, Impe-
 rij. Hoc est servitutis, authoramentum hac enim
 pecuniola prostituta est Sacrosancti hujus Impe-
 rij dignitas ac libertas, dataq; extero Principi, cui
 nulla nobiscum, nec generis, nec vicinitatis, nec
 linguæ, nec Iuris necessitudo intercedit, potestas
 in nostra comitia irrumpēdi, in nostris confessib9
 sedendi, & in Camera Imperij sententiam dicen-
 di, omnia deniq; nostra consilia, rationes, arcana
 perlustrandū explorandiq;. Quod si in servitute, et-
 jam si neq; superb9, neq; molestus sit Domin9, ta-
 men miserrimum est, posse esse, si velit, quis nō vi-
 det miserrimam profectō esse nostram Germani-
 am, in qua Rex Hispanus, si velit, ex arbitrio pos-
 sit imperare? Quanquam quid attinet dicere si ve-
 lit, posse, cum jam cum longè lateq; in Germania
 imperare omnes videant? Quid enim hac Burgun-
 dici circuli constitutione consecutus est Hispanus?

Vindelicorū, Ratisbonæ, aliarum amplissimarum Imperij Civitatum cervicibus imminet: ut omittam etiam quod Imperij ipsius clavū in manu habent, qui ob Hispanici regni spem, Hispanicæ dominationi haud unquam se opponent. Quis non intelligit, quo tandē spectet immensa ista atq; inexplebilis dominandi sitis, qua adolescentē Bavariæ Ducē Episcopū Frisingensē Hispanici Regis studio incitatum, authoritate armatum, flabello incensum, ardere omnes vident? quē nulli neq; amplissimi Episcopatus, nec principatus potentissimi possunt exsaturare? Is jam uno propè temporis momento eam sibi comparavit potentiam, ut multis quidē Europæ Regibus comparandus, omnibus certè Germaniæ Principibus metuendus, jure videatur. Multa enim sunt atq; illustria in Europa regna, quæ neque finii amplitudine, nec multitudine gentium, nec militum robore, neque omnium rerum copia, cum ejus ditionibus comparari possint: neque tamen conquiescit, sed Hispanicæ ambitionis æstro percitus, semper majora ac majora concupiscit. Iam enim præ-

ter amplissimos Episcopatus, Frisingensem ac Hildesheimensem, etiam Leodiensem principatum, & ditionis amplitudine, & gentis robore, & loci oportunitate, nulli secundum, Hispanici Regis opera atq; impulsu obtinuit. Ei etiam Archiepiscopatum Colonensem adjungendum putavit. Nam & si hactenus semper Leodiensis ditio Hispanos, telis, armis, machinis, milite, comæatu, atq; omnibus belli præfidijs non obscurè, neque dissimulanter juvit, quamdiu tamen Colonensis Electoris metu non nihil retentus Episcopus, omnes animi latebras necdum sibi patefaciendas duxit, & si re ipsa Hispaniæ Regis obsequijs, suam omnem ditionem manciparat. Verbo tamen neutralitatem præ se tulit. Iam verò, ne quid restaret, quo minus Rex Hispaniæ pro arbitrato posset planissimè imperare, Archiepiscopatum etiam Colonensem, & summam Electoratus dignitatem, partim armis, partim comminationibus, partim Romani Pontificis autoritate, illi, aut potius illius nomine sibi procuravit atq; addixit, qua cerè ratione non jam solum ipsius Germaniæ armis

ac viribus inferiorē illam Belgio finitimam Germaniam oppugnat, sed ad universam etiam superiorē Germaniam imperio ac dominationi suę subjungendam aditum sibi patefacit: omniaq; & Electorū & reliquorū Imperij Principū vectigalia suę potestate subijcit. Quę quidē, Illustissimi Principes, vestrę dignitatis, vestriq; Imperij nervos ac præsidia merito semper omnes duxerunt, quibus amissis & in exteri Principis potestatē hac nova Colonienſis Archiepiscopi electione redactis, quasi compedes ac numellę vobis injectę sunt, quibus & belligerendi (si necesse sit) potestas adimatur, & servitutis jugū, quoties Hispano adhibuerit, cervicib⁹ vestris imponatur. Nec enim jam est necesse Philippū Regē Iulij Cæsaris exemplo pontis in Rheno contruendi cura magnopere distineri. Pons enim illi ac trajectus est ipsa Imperij urbs, atq; Electoratus sedes Colonia, omnifque Archiepiscopi ditio, quę hujus nutui ac voluntati non secus ac suo parebit Principe. Quid igitur jam reliquum est, quo minus universę Germaniæ Hispanus imperet, edicta quę velit præ-

scribat, & in quoscunq; adlibuerit armis impetū faciat? Nullum fortāsse habet in Germanici Oceani faucibus portum, in quē ex Hispania (si necesse sit) classē mittat. Atqui & hoc prudenter cavet ne sibi decesset, Prætextu enim vel belli in Phrysiōs gerendi vel commeatus in Belgiū importandi. Amasi ostiū concedi sibi postulat: ad eam rem conficiendam negotium dedit Billiæo Lusitano, ut sibi Embdanam civitatē à Comite Phrysię orientalis Edzardo, quē clientelæ nomine devinctum habet, ad tempus aliquod quasi commodato tradi curet. Ejus beneficij præmiū Gröningam oppidū, quod quidē undiq; Hispanorum manu cinctū, atque omni commeatus oportunitate exclusum, quoties lubebit facilè recepturus est, & simul Burgundiæ comitatus gubernationē, cū vectigaliū ac creditus anni usura, suis tamen præsidij munitam illi pollicetur. Ita perficit ut oportunissima omnia Germaniæ flumina Danubiū, Rhænū, Lycū, Oenipotentē, Mosam, Mosellam, Amasim in sua potestate habeat & quemadmodū per suos clientes, & necessarios terra sibi adi-

aditum undiq; patefacit; ita in Oceano nihil sit quod ejus vel vires frangere, vel impetū possit retardare. Et quia postremò intellexit, quantam olim Carolo Magno difficultatē ad res gerendas præbuerit, invictum illud Saxoniae inferioris, robur, & simul commemorinit, unam Magdeburgensium civitatē non ita pridē ab omni confœderatorum auxilio nudatam, Caroli V. Imperatoris invictissimi, parentis sui, exercitum, detinuisse, victoriam cohibuisse, ac vires deniq; fregisse, dedit operam, ut hujc etiam periculo provideretur, neq; quicquam planè esset quod in Germania imperium ejus posset remorari. Perfecit enim ut & Romanus Pontifex & ipse Imperator, præter ea quæ jam antè à nobis commemorata sunt, Episcopatum etiam Magdeburgensē, hoc est, Universum Saxoniae robur, eidē Episcopo sponcione addiderit. Nihil enim putat interesse per sese ne, an per legatum, clientē inquam & consanguineum atq; affinē suis studijs addictissimum teneat: cum habeat exploratum, illo Episcopo, sese quod velit, esse imperaturum. Neq; tamen his etiamdum se continet finibus.

Labores enim ut illū totius Germaniæ Prima-
 tē creet, cujus nutu atq; authoritate omnia Eccle-
 siastica munera, dignitates, ac præbendę in quos
 sibi adlibuerit, erogentur. Neq; adhuc persentif-
 citis, virj Germani, Hispaniæ Regē in Germania
 Imperium, non dicam ambire, sed jam occupatū
 tenere: qui Belgio devicto portus omnes oceani,
 & Germaniæ fluminū ostia in potestate sit habi-
 turus, vobisq; omnē navigandi ac negotiandi fa-
 cultatē quoties libebit, erepturus, qui Amasi etiam
 ostia sibi jamjam tentet subijcere: qui vestra o-
 mnia vectigalia & portoria in suam potestatē re-
 digat: qui Clivicensibus, Iuliacensibus, Leodinis,
 VVestphalis leges atq; edicta præscribat: Colo-
 niam imperio suo parere jubeat: cujus clientes,
 propinqui, affines maximos ac præstantissimos
 Germaniæ populos sibi subiectos habeant: qui ex
 Hispania in vestris confessibus & comitijs sedeāt
 & sententiam dicat: Vestra omnia consilia, ratio-
 nes atque arcana perlustret: qui non modò quod
 vult jubeat, vetet, sanciat, imperet, sed pro arbitrio
 etiam Episcopos, Frisingensē, Hildesheimensē,
 vobis

vobis designet: Principes & Electores Imperij
 Coloniensē, Leodiensē, Magdeburgensē creet:
 qui deniq; Primatē Germaniæ imponat, per quē
 Ecclesiastico ordini in Germania amplissimo ac
 potentissimo imperet, & pro his omnib⁹, unū vo-
 bis obtrudat, quē habet sibi & sanguinis & affini-
 tatis multiplicibus vinculis obstrictū, & clientele
 nomine devinctū, & beneficiorū acceptorū ne-
 cessitudine, atq; alijs infinitis nominibus addictis-
 simū, quemq; certò novit nihil nisi ex suo nutu,
 sententia, præscriptoq; tentaturum, acturumvè:
 quē deniq; propter varias ac multiplices, quæ illi
 cum alijs potentissimis Germaniæ Principibus in-
 tercedunt, controversias, exploratū habet in Ger-
 mania quomododi dissidiorum faces esse submissu-
 rū, quæ nisi cum totius sacri Imperij ruina extin-
 gui nunquam possint. Nam cui potest esse ignota,
 vetus illa quæ huc est cum illustrissimis Brunsvici
 Ducibus, de mille supra unum pagis gravissima
 controversia? quam certè silentio sopitam nun-
 quam patsetur conquiescere.

Aut quis nescit quanta æmulatione hæc Bava-
 rorum

neq; tam potenti, tamq; ambitiosi ac superbi Regis conatibus oblistendum ducitis. Quid verò reliqui Christiani Orbis Reges, Principes atq; ordines? Vna tenet omneis socordia, unus veternus. Dum enim unicum Belgium ejus se tyrannidi obijcit, omnibusq; Regibus, Principibus, atq; ordinibus Christiani orbis, & avertendæ servitutis occasionē ac tempus largitur, & quàm facilè Hispanicæ hujus Monarchiæ fundamenta labefactata everti possint, suo exemplo commonstrat, nemo est qui rem sibi curæ esse declaret: sed quasi de industria potentiam Hispanorū ad suam quisq; perniciem certatim augere & Corroborare studeat, taciti omnes patiuntur Belgas diuturnitate ac mole belli fractos, rebusq; adversis tabescentes languescere, ita ut quid vel cōsiliij capiant, vel rei tentent, difficile possint cōstituere. Interca Galliæ Rex potentissim9, ob semel capta à fratre Andegavensi Duce inprovida ac temeraria consilia, animo fluctuans, vicinum incendium longè lateq; pervagari cernit, sperans fortasse sibi satis fore virium ad suas res domi tuendas, conservandasque, ipse

Andegavenſis rerum ruarum incertus, quid faciat, quidvè ſibi ex uſu ſit decernere non poteſt. Regina etiam Angliæ ob occupatam Portugalliam & Oceanum in Hiſpani poteſtatem reductum, attonita videtur obſtupescere, neq; quid conſilij capiendum ſit, decernere. Hiſpanus interea omni conatu ac viribus Bèlgiùm premit, & pulcherriſſima concupiſcitiæ totiùs Monarchiæ fundamenta, nullo intercedēte jact, ita ut jam nominis ſui atq; imperij terrore atq; amplitudine extreſmos orientis atq; occidentis fines longè lateq; impleat, & quod eſt à Pontificibus Romanis Catholici Regis nomē conſecutus, id verè ac re ipſa ſibi proprium efficiat: quod certè vobis quidē omē, Reges, Principes, ac populi Chriſtiani, niſi provideritis, extremam ſervitutē; huius autem, quē veſtra ſocordia in immenſum creſcere ſinitis, Regi, Catholicam, hoc eſt, Univerſalem in omnes dominationē ac tyrannidē comminatur. Philippus quondam Rex Macedonum Græciæ merito ſuſpectus fuit, propterea quod finitimòs aliquot Thraciæ populos, & Græciæ oppidula ſuæ ditioni ſubijctens, reliquę
totius

totius Græciæ libertati videretur infidiari: ac proinde cœnſuerunt Athenienſes ab univerſis Græcis, potentiam ejus eſſe retundendam, imminuendamq; viriti ne quo flagrabat ambitionis incēdio, non modò Græcia omnis, ſed Aſia etiam univerſa abſumeretur. Neq; ſefellit iſtos ſuſpicio. Nam eſi Philippus morte præventus, quod animo cōceperat perficere non potuit, eū tamen veteranorū militum florē filio Alexandro poſt ſe reliquit, cujus robore, vir adoleſcens, non modò Græciam, ſed etiam univerſam Aſiam, Syriam, Babiloniam, Perſiam, A Egyptum ſibi ſubjecit, & ad Indorū & Schytarū extremos uſq; fines, omnia longè lateq; depopulatus, tertiam illam poſt Perſas orbis terrarum potentiffimam Monarchiam brevi temporis momento ſtabilivit. Nos hujus Philippi Regis Hiſpani neq; ambitionis æſtū metuimus, nec redundantē potentiam imminuendam cenſemus, qui nō unū, ſed propè infinitos varijs locis, atq; inſtruetiſſimos habet à veteranis militib9 exercitus: qui plusquam triginta Hiſpanorū veteranorū millia in varijs præſidijs parata ſēper atq; inſtructa tenet:

qui in Africam, Asiam, Europam, Americam, atque Indias omneis & Eoas & Occiduas Imperij sui fines longè lateq; submovit: qui Otthomannicam potentiam, classe instructissima fregit: qui Lusitaniam omnē cū infinitis Oceani insulis, florentissimisq; regnis ac provincijs, imperio suo adjecit: qui universam Italiam orbis quondam dominatricē suo arbitratu moderatur: Africæ portus ac littora non pauca in potestate habet: universum Oceanū quaqua versum occupati Mediterranei maris insulas omnes præcipuas, ac port⁹ suæ ditioni subiectas tenet: quis deniq; omnib⁹ Christiani orbis principibus ac populis, quod vult, præscribit, & solo nominis terrore quid adlibuit, exequitur.

Quod si verò quis existimat, eum tam amplo ac vasto contentum Imperio, nihil esse ampliùs attentaturū, nisi quod jure & legibus possit vindicare, neq; in aliena Imperia aut regna per nefas facturum impetum, is profectò prudens sciensq; fallitur, & ubi ipse palpum obtrudens salutis suæ ac dignitate pessime consulit. Primum enim inexplēbilis est regnandi cupiditatis sitis, atq; ardenti flam-

ti flammæ perſimilis, cui quò plus alimentorum ingeritur, cò latius vagans plura ſemper abſumit ac vaſtat, neq; quicquam ulla ex parte in confinijſ intactum aut integrum eſſe patitur. Deinde quis ex illa impotenti Portugalliæ occupatione non videt Philippum Regē nullis legibus, nullo jure, nullis deniq; ſanctionibus teneri velle? Nam ſi quod ſibi jus in regni illius ſucceſſione arrogabat, cur leges armis perfregit, jura vi antevertit, ſanctiſſimorū Iudicum ſententias flamma & ferrò præoccupavit? Antonium Regē, Galliæ Reginam Matrem, Bregantij Ducem, & verò etiam ipſius Parmenſis Principis filiū, ac reliquos deniq; omnes, qui de regni ſucceſſione ambigebant, nefariè deluſit? Et adhuc juris nomen aut religionē apud illum valere exiſtimabimus, qui regnandi cauſa nullo ſe niſi armorū jure teneri palàm atq; in totius orbis Chriſtiani oculis teſtatur? Quid vero? qui data pecunia Turcam in Venetos confederatos armavit, eorumq; impetum à ſuis finibus in Cyprum avertit, cum ne ullis foederum legibus teneri arbitramur. Qui neque cum

Indis, neq; cum Granatenſibus, neq; cum Belgis inſita fœdera diutius quam ſibi ex uſu eſſet ſancta habuit, ejusne ardens ambitio fœderis aut juris ullâ ſanctione retinebitur? Sed quæ tandem illum juris obſtringat religio, quem ſuæ ipſius religionis præſcriptum, & Pontificis Romani authoritas ab omni juris vinculo liberat? An verò quam nullæ matrimonij leges ab inceſtu, nulla conjugij neceſſitudo ab adulterijs, nulla naturæ vincula à parricidio, nullum deniq; fidei ſacramentū à perjurio retinet, ejus ardentē ambitionis flammam, regni propâgandi ſtudio incenſum animū, ultionis appetitæ in ſanum furorem, Juſtitiaæ aut Juris frigida ſuffuſa reſtingui poſſe arbitrabimur? Quasi verò Pontifici Romano minus fiet integrū regnum finium jura quam matrimonij neceſſitudinē, quam conjugij ſanctitatem, quam fidei ſacramentū obſenta bulla ſolvere? Quanquam quid attinet juris prætextu Illius ambitionē oppugnare, qui ex jure & lègibus in aliena imperia meritò ſe poſſe invadere jam pridē ſtatuit? Ecquis enim eſt Regum aut Principū, reliquorumque Chriſtiani Or-

bis

bis Ordinū, in quē se Hispaniæ Rex non arbitretur justissimam belli gerendi causam tam pridē habere? Galliæ Regē accusabit; quod fratrem in suas ditiones armis irrumpentem, non modò non prohibuerit, sed milite, commeatu, Pecunia, armis roboraverit, eoq; nomine hostem se prior declararit: quod Reginæ matris nomine insulas suas Gallicis armis ac signis hostiliter invaserit, classem suam oppugnarit, Antoniū hostem ac perduellem: non modò regno atq; hospitio exceperit, sed armis etiam ac milite juverit: quod Belgas ipsos omnibus Belli præsidijs, quoad potuit, sustentarit. Angliæ Reginam dicet primū quidem esse hæreticam, & à Pontifice Romano proscriptam, deindē multis etiam rebus, & terra & mari decretis ac gestis hostilem erga se animū prodidisse, hostes suos ac perduelles fovisse, & tum pecunia, tum commeatu milite juvisse, classem hostilem in Oceanum misisse, Antonio Lusitano auxilia subministrasse, aurum ac naves ex Indijs per vim subduxisse. Germanos Principes alios quidem causabitur Principi

Aur-

Auraicæ contra se auxilia tulisse, alios in Belgio etiam militasse, in alios per Frilingensem, seu Leodiensem Episcopum de finibus movebit controversiam, in alios de jure Electoratus: omnes autem universum vel esse hæreticos, & à Ro: Pontificis obedientia descivisse, vel certè cum ijs, qui desciverint, fœdus inijsse, pronunciabit. Hos omnes Rom: Pontifex anathemate percussos armis ad obsequiũ cogi volet. Annon erit hoc satis superq; juris ad eos invadendos, ei qui Põtificis Rom: mandata pro divinis oraculis, anathemata fulminibus habeat? qui per se etiam religioni Evangelicæ hostis sit infestissimus, eamq; tanquam humani generis teterrimam pestem oderit: qui omnes suos conatus, omnia studia, consilia, actiones, fœdera deniq; omnia ad illam delendam ac penitus extinguendam semper adhibuerit, & qui cū sit omnium hominũ ambitionissimus, palam tamen profiteatur malle se omnium suorum regnorum ac ditionũ jacturam facere, quam vel minimam hujusce religionis scintillam inextinctam pati: qui deniq; Germanos propè omnes, haud alto loco quàm Turcas, Paga-

Paganos, & Saracenos habeat. Quid verò Pontifex, an non arbitrabitur sibi æquè esse integrum Germaniam anathemate percussam Philippo Regi diripiendam dare, atque olim ejus parenti superiores dedere Pontifices? Paulus Tertius, ejusque antecessor Clem. VII. Carolo V. anathematis fulmen intentârunt, propterea quod de religione dissidia putaret authoritati concilij generalis, non armis esse decernenda: optimumque ac minimè ambitiosum Principē adsumenda in Germanos arma, invitum ac diu reluctantem comminationibus ac fulminibus suis tandem coegerunt: & nos existimabimus Philippū Regē nullis Pontificum flabellis incitatum iri, ut se jure arbitretur Germanos in Romanæ fidei obsequiū armis posse adducere? Quod si verò quis existimat ad Protestantes hæc solum pertinere, reliquos ab Hispanicæ tyrannidis metu liberos esse, is cogitet, veteranos olim Henricos, Otthones, Fridericos, aliosque summos, potentissimos, atque omni virtutis laude præcellentes viros, majores vestros, Illustrissimi Principes, eandem cum Pon-

tificibus religionem coluisse, neq; fulminū Pon-
 tificiorum cuspides minus propterea sensisse: cum
 alij Pontificum nutu sua regna atq; imperia in ex-
 teros Principes translata viderint, alij eorum vel
 pedibus proculcandam cervicem subjecerint, vel
 ad genua capite ac pedibus nudatis supplices se
 provolverint, vel deniq; iram gravissimis mulctis
 ac supplicijs averterint. Cogitet, satis causæ Ponti-
 fici Romano ad Hispaniæ Regem in Germanorū
 perniciem armandum fore, quod videat eos qui
 suam religionem profitentur, eandem tamen non
 modò adversus protestantes non tutari, sed mul-
 tis etiam fœderibus ac varijs necessitudinum vin-
 culis cum illis conjunctos esse; Cogitet denique
 cum se Hispani sentiant Germaniam non posse
 vel suo imperio subijcere, vel ad Pontificis Roma-
 ni obedientiam armis adigere, nisi ad alios sub-
 igendos aliorum operam vel fœderis nexu, vel
 clientelæ necessitudine, vel armorum terrore sibi
 addixerint, omnino eam Germanis conditionē ac
 legem subeundam esse, ut vel fœdere atq; amici-
 tia se Hispanis ad reliquos Germanos opprimen-
 dos

dos conjungant, vel ad hos propugnandos, & universam Germaniam in libertatem vindicandam contra Hispanos arma sumant.

Quod nisi maturè fecerint, & præclara ista Belgicarum rerum occasione usi, Hispanicæ potentie incrementa inciderint, frustra suis postea viribus anguli ruentem in suas cervicis immensæ tyrannidis molem conabuntur avertere. Est quidem, est inquam, magna, Viri Principes, Regis Philippi potentia, Sed est tamen ejusmodi, ut ejus omnia fundamenta, quemadmodum vestra ac reliquorum Principum tolerantia, ne ditam fœcundis, nata adoleverint: ita vestra virtute, consensioneq; labefactata, nullo negotio sint ruitura. Omnes enim ejus ditiones multis magnisq; locorum intervallis inter se distictæ jacent, & facillè est illis comineatum intercludere, auxilia intervertere, vires deniq; frangere: modo ut ipsi vobis non desint, modò ut Germaniæ intermedio vinculo Ital: cum Belg: necti non patiamini. Quod quidem ed erit facilius, quod videatis omnes populos illi subiectos, immanem ejus tyrannidem exhorrescere, & nihil nisi rei gerendæ occasionem, qua se in libertatem vindicent, expectare. Videtis quantulis viribus, quam parva manu, quam contemnendis principijs, Aursiaci Princeps magnos Hispanorum exercitus, & vastos illos conatus irritos atque inutiles reddiderit. Quanto tempore Belgij provincie omni auxilio destitutæ, atque omnibus nudatæ præsidijs tanti Regis impetum sustinuerint, quam propè absuerit ut dudum quidem Joh. Austriacus, nuper autem Princeps Parmensis cum omnibus suis copijs ex omni Belgio ejecti fuerint: & nisi tum quidem intestinis dissensionibus pleriq; provincie à communi fœdere descivissent, nunc autem aulicorum quorundam perniciosi consilij Dux Andegarensis fortunam, quam in manibus habebat, elabi sibi passus esset, non modò è Belgio decessuri fuissent Hispani, sed imperij sui fines intra Iberum foras terminaturi, Itaque nec est, Illustrissimi Principes, quòd Hispanici imperij terror à re fortiter gerenda, vindicandaq; communi libertate vos absterreat, neq; quòd eorum potentie contemptus securos aut segniores efficiat. Nihil Regis illius vobis oberit potentia, si maturè provideritis, si res Belgicæ non neglexeritis, si Bellizæ conatus ab occupando Amasi ostio, vestra autoritate atq; imperio fregeritis, si ardentè Ducis Bavarie ambitionem, ejusq; erga Hispanicum nomen studium coercueritis, si cum Christianismo Galliarum Rege, cum Serenissima Angliæ Regina, cum alijs deniq; Christiani Orbis Principibus, consilia de immensa ista Hispanorum potentia intra suos limites coercenda, seriò ac maturè iniveritis. Sin autem patiæmini finitimum vobis Belgium, Hispanicis armis jam ferè oppressum, etiam Germaniæ viribus atteri: Clivenses, Tuliacenses, Coloniacenses ad Philippi Regis mandata contemiscere taciti spectabitis: Leodiienses machinis, armis, comineatu atque omnibus belli præsidijs, quod est hætenus ab illis studiose scutitarum, hostem juvare non prohibebitis: neque Ducis Bavarie æstantem ambi-

onem coſtrebitis? Sed ejus imperio Colonienſem Archiepiſcopatum, atq; Ele-
ctoratus dignitatem adjungi patiemini, eumq; ſuas viros ad Belgij perniciem
cum Hiſpano conjungere non vecabitis, & verò etiam portum in Germanico
Oceano Hiſpanorum claſſi patefacietis: Nolite dubitare quia reducto in Hiſpa-
ni ſervitutem Belgio, diſiſa & in varias factiones diſtracta Germania, Galliaq;ue
vel bellis & contentionibus domesticis exhausta, vel conſiliorum ac ſtudioꝝ
pugnante inter ſe varietate diſtracta, Hiſpanici nominis terror, atque imperij
moles, quaſi quidam vaſtus atq; inevitabilis Oceani æſtus rupis vicinis agge-
ribus ac repagulis Univerſum orbem Chriſtianum extremæ cladis, & calamita-
tum omnium fluctibus brevi tempore ſit obruturus, quod quidem ſi qui tum
vel armis, vel alia vi conabuntur prohibere, ſerò ſanè illi ſentient, quod in ora-
tionis capite diximus, elapſam hanc præclariffimam rei bene gerendæ oportu-
nitatem, nulla neque vi, neque voto redituram, ſocordix ac tarditatis meritis
à nobis poenas reſcere, Hoc ego omen, ut ab univerſo orbe Chriſtiano, maxi-
mè autem à dulciſſima mea patria Germania, Dominus avertat: & vos illuſtriſ-
ſimi Germanix principes, reliquiq; orbis Chriſtiani Reges potentiſſimi, & Am-
pliſſimi Ordines, veſtraque omnia conſilia atque inſtituta, ſpiritu ſuo ſancto
ita moderetur, ut quod erit ex uſu Reipub. Chriſtianæ, quodq; ad divini nomi-
nis gloriã, & populi ſalutem ſpectabit, decernatis, ſtatueris, ac re ipſa exe-
quamini, etiam atque etiam ardentiffimis votis, per Chriſti 1557
nomen, exopto atque depre-
cor.



EXPLICATIO CONSPI-
RATIONIS PONTIFICIS, PRINCIPVM-
VE PONTIFICIORVM IN
EVANGELICOS.

QUoniam benignissimus Deus me ex densissi-
mis tenebris Papatus, ad clarissimam
hanc lucem Evangelij sui, & puriorem
agnitionem verbi sui mirabiliter evexit, omni-
um qui vivunt ingratus haberi jure meritoq;
possem, si reliquum illud quod mihi superest vi-
tæ, ad ejus sanctissimi nominis gloriam, & ad re-
gni Evangelici utilitatem non dedicarem. Ini-
quum enim esset & impium à quo vitam & salu-
tem habeo, ei non obsequi & obedire quibuscun-
que possem rationibus. Nulla verò hoc tempore,
(cum nihil aliud præstare valeam) commodior
visa est glorificandi Deū, benefaciendi Ecclesiæ,
& declarandi animū erga religionē Evangelicam
ratio & occasio, quam detegere & evulgare ea,

quæ Pontificij, hostes jurati & Christi & Evangelij, meditantur ac moliuntur, contra omnes de Evangelio bene sentientes: quæ sanè mihi visa sunt ejus esse generis, quæ non sine summa offensione Dei, & sine summo damno totius Regni Evangelici, taceri & occultari possent. Gravissima enim & perniciosa consilia inierunt Pontificij omnes contra Evangelicam Religionem, & inter se arctissima & impiissima fœdera adeo unanimiter pro oppressione fidelium firmârunt, ac jurârunt, ut non dubitandum sit, multum eos obesse posse Reipub: Evangelicæ, nisi præmoniti & muniti sint illi adversus quos primû rem aggredi statuant. Scimus quidē Evangelicos optimam causam tueri, Deumq; illis adfuturum, quò Satanæ & Antichristi insultus irritos reddere possint; nihilominus non sunt contemnenda consilia, nec sternendum est fretis tali confidentia, quin credendum est Dei providentia excitari, qui hæc nota faciunt ijs, de quorum vita & salutè agitur, quo muniantur adversus hostes insultantes. Quare ut habeant omnes Evangelici Principes ac fideles

omnes

omnes, unde sibi præcavere possint à prodigiosis
 machinationibus Pontificis Romani, ac præcipuè
 omnium Pontificiorum, Ego Deo juvante intrepide
 & candidè narrabo & evulgabo arcana consilia,
 impijssima fœdera, diabolicas artes & machinas
 Pontificiorum fœderatorum, contra Religionē
 Evangelicam. Non sum narraturus trita & vulgaria,
 quæ ex ore plebis, vel ex somno otiosorū Monachorum
 collegerim: sed quæ egomet his auribus ex Pontificis ore,
 ex Cardinaliū verbis, & ex Principum Pontificiorum scriptis,
 subscriptionibus, & signis hausi & cognovi. Nec me terret
 Regum & potentissimorū principum indignatio & ira,
 quo eorum evulgatione interfi, facile in me concitabuntur.
 Nam mihi magis metuendus est Deus, qui corpus & animam
 simul perdere potest, quam illi, qui corpus tantum alioquin
 mortale & caducum momentaneæ morti etiam & brevissimis
 cruciatibus tradere possunt. Indignantur, ringant, & si
 Deus illis permiserit, in me ruant. Ego adhuc me impulsus
 & motus à Deo sentio & agnosco. Per eos non stabo, & illis
 frementibus intrepide-

intrepide eorum prodiones prodam. Audiant ergo quotquot Evangelio ex animo favent, ac audita animo retineant.

Clemens VIII. Pontifex Rom: qui hoc nostro tempore sedet, cum omniū ferè Principū Europe animos admirando quodam artificio sibi devinxisset, nolens occasionem ad stabiliendam tyrannidem sibi opportunè oblatam imprudenter negligere, contendit totis viribus sacrum, ut ipsi appellent, fœdus inter Monarchas & Principes pontificios, adversus Regnum Evangelicum, inire & firmare: quod etiam majori ex parte conclusum est. Nam Imperator, Rex Hispaniarū, Archid: Austriæ, Albertus & Ferdinandus, Duces Bavarix, Lothringiæ, Sabaudix, ac omnes ferè Principes alij Pontificij, Excepto Galliarum Rege, & Magno Duce Hetruriæ, nomen dederunt & subscripserunt dicto fœderi; movetq; Pontifex omnē lapidem, ut alios quoq; impellat ad coëundū, cū & alijs videatur spem aliquam fecisse. Ejus fœderis multa sunt capita, ut pote, de ratione agendi, de tēpore, de apparatū, ac de portione quam quisq;

collo-

collocatus est ad bellum sanctum quod machinantur, & moluntur in Evangelicos. Et in illud omnia capita concidunt, ut omnes prædicti confederari cunctis viribus contendant ad extirpationem Evangelicæ religionis quibuscunque possint rationibus. IMPERATOR ante annum instabant apud Pontificem, pro pecunijs & auxilijs adversus Turcam, quo posset vel ejus impetum reprimere, vel saltem illū adigere ad honestas conditiones pacis vel diuturnarum induciarum: Promittens rebus cum Turca ex voto compositis, omnes suas vires & copias converteretur pro Pontifice adversus Evangelicos, quos ipsi Hæreticos vocant. Pontifex valde favet paci Turcicæ, & hac de causa noluit anno elapso audire Oratores Regis Persarum qui instabant pro generali confederatione contra Turcam. Conqueri etiam sæpe solet, quod sine fructu totos quadraginta annos bellum gestum sit contra Turcas: quo tempore minori cum sumptu Ecclesia Romana potuisset authoritatē suam recuperare, in Europa: & ideo cupit inducere Turcam ad petendam pacem, & persuadet Imperatori ut æquas conditi-

ones pacis à Turca accipiat. Anno 1601. Cardinalis à Dieterichstein Episcopus Olomucensis Praga Romam summa cum celeritate se contulit, literasq; à Cæsare habebat ad Pontificem, quibus promittebatur Pontifici executio armata ejus sententiæ, quam Cæsar ante tulerat, pro Pontifice contra Evangelicos in causa bonorum Ecclesiasticorū, quæ in omnibus locis restitui volebat in usum Ecclesiæ Romanæ ad formam Legatorum, idemq; habiturū sperabat Pontifex occasionem incipiendo turbas & motus in Germania. Et hac de causa convenerunt, ut dictorum bonorū major pars distribueretur ijs, qui bellum illud strenuè gessissent. Idem Cardinalis eodē tempore nomine Cæsaris, ut ipse jaectabat, pollicebatur, quod (dum apparerentur necessaria ad bellum apertum) Imperator & Principes Austriaci, erant penitus ejecturi omnes Evangelicos ex locis suis patrimonialibus, ut pote ex Austria, Tirola, Croatia, Carinthia, Styria & similibus, nec non eos idē aggressuros in Moravia, Silesia & Bohemia, primum sine strepitu, si fieri posset, post armis & vi potissimū peregrinorum

norū militū ex bello Vngarico redeuntiū. Non enim in huiusmodi fidunt militi Germano: ijsq; populos illos dedisset depopulandos & expilandos nisi ad Romanam Ecclesiam fuissent cōversi.

Legatus Pontificius qui Pragæ nunc commoratur ante paucos menses scribebat, prædicta omnia magna ex parte esse confecta: eiecitq; fuisse Evangelicos ex prædictis provincijs: Et Iesuitas permissu Cæsaris occupasse omnia ferè templa & loca Evangelicorum, non solum in Austria & Carinthia, verum etiam in Silesia & Moravia. Nec non milites Gallos sub signis cuiusdam Ringravij combussisse aliquot pagos Evangelicorum in finib. Bohemiæ: majoresq; progressus facturos hoc anno, auxilio potissimū Italogū, qui in Hungariam à Pontifice in hunc finē mittuntur, ut Evangelicos depopulentur & trucident. Promisit etiam Cæsar, se nullas supremas dignitates, post hac sive in politicis, sive in militarib⁹ administrationib⁹ collaturū ijs, qui notati sunt de hæresi, vel quovis modo favēt Evangelio, quin & securaturū, ut etiam minima officia eripiantur illis Evangelicis,

rerum potiuntur, nisi ad Rom: Ecclesiam fuerint
 converti, intra statutum aliquot tēpus. Et hinc Le-
 gatus Pontificius aiebat fieri, ut indies multi nobi-
 les, omniumq; provinciarum Germaniæ abnega-
 to Lutheranismō ad Pontificiam Religionē acce-
 dant, quibus passim conferunt summa officia &
 beneficia, quo alij ad Christum abnegandū inci-
 tentur. Persuasi etiam sunt experientia omnium
 temporū, ambitionē & divitiarum, & honorū li-
 bidinē multos seduxisse, qui alioquin videbantur
 constantissimi. Hac promissione Pontifex crect⁹
 in spem maximam, autus est instantissimē urgere,
 Imperatorē ut nobiles aliquot Evangelicos quos
 ipse nominabat deponeret, & abdicaret ab officijs
 & muneribus publicis, quibus tunc in bello &
 Politia fungebantur. Inter hos nominatim erant
 Colyitzius, Comes Henricus, Matthæus à Turre,
 Bohemus, Domin⁹ ab Hoffkirchen, Baron⁹ à Pol-
 haim ab Hodisco à Dermentstorff & similes qui-
 bus petebat surrogari aliquot proceres Pontificios
 & Apostatas: asseribatq; res non posse feliciter
 procedere contra Turcam, si res bellica admini-
 stra-

straretur per Evangelicos, nec se velle pati, nec minus esse ex dignitate Imperatoris Catholici permittere, passim in exercitu Christiano contra infideles, haberi conciones Lutheranas: quas penitus proscribi petebat: alioqui minitabatur se non passurū, ut ex Italia & Hispania ulli in futurū committantur milites, ne provinciae illae adhuc integrae inficerentur haeresi. Dux MERCURIJ ejus consilij est author ut multos sibi addictos promoveret ad militaria officia. Et ipsemet scripserat ad Cardinalem Aldebrandinū, ut Pontifici persuadant hoc esse facilimū Imperatori. Pontifex cogitans hanc esse rationē tollendi conciones ex Exercitu, & sternendi iter ad multa in perniciem Evangelicorum, instantissimē idem petijt ab Imperatore, à quo tamē nullū aliud responsum tulit, quam expectandum esse tempus opportunū & occasionē meliorem: interim tamen se curaturum, ut idem paulatim fiat. Idem Dux MERCURIJ ante duos annos, habito de hoc cum praedictis foederatis consilio, statuerat tempore hyemis, quo bellum non potest geri in Vngaria, diligenter lustrare totam Germaniam,

& quasi aliud agens observare & annotare loca, situs, flumina, angustias, fines, exitus, aditus, munitiones ac vires protestantiū Principū, ac civitatum Evangelicarum, quo felicior excogitari posset ratio occupandi & circumveniendi illos in bello præmeditato. Et ego vidi Romæ apud Ducem Hussianum delineationē locorum Evangelicorū, factam per Pet: Mathematicum dicti Ducis. Eo adhuc vivente audivi illud idē debere perfici per Ducem Niversanum, qui affectabat locum dicti Mercurij in bello Vngarico. Cum vidisset Pontifex, se nō posse tam cito impetrare à Cæsare abdicationē prædictorū Nobiliū Evangelicorum, novo actu contendebat ab Imperatore, ut saltem minorem haberet numerum militum Evangelicorum, ne exercitati fierent in perniciē Ecclesiæ Romanæ, & ne essent Catholicis superiores: melius fore, si Imperator conscriberet tantum milites Pōtificios, & stipendia ac pecunias exigeret à protestantibus: ita brevi futurū, ut Evangelici uno eodēq; tempore exarimentur & depauperentur, multaq; posse inchoari & tentari in perniciē Evangelico.

licorum, qui rebus ita stantibus ne cogitari quidē poterant, & quo Imperator ad hoc induceretur, accusabat Evangelicos de cōiuratione cū Turca.

Papa consiliarios aliquot habet in aula Cæsaris sibi addictissimos, qui ob maxima stipendia, & magnas spes quibus eos alit, flectunt Imperatorē ad nutum Pontificis, eorumq; opera non solum actiones Cæsaris cognoscit, verum etiam ejus per pensiones & affectus.

Urget Pontifex electionem Regis Romanorum. Timet enim ne decedente Imperatore nullo ei substituto successore aliquis creetur, qui non sit Pontificius, vel saltem minimē infensus Evangelicis. Et hac de causa instigat Imperatorem & Electoribus Ecclesiasticis obnixè commendat Albertum, quem multis nominibus alijs præponi cupit, eo, quia per illum existimat relictum iri debere Religionem Romanam in Belgio & Germania; ac etiam, quia Rex Hispaniarum pollicetur omnes copias & vires suas contra Turcam & Hæreticos si Albertus eligatur.

Orator Regis Hispaniarum qui Romæ habitat
osten-

ostentabat literas à Legato ejusdem Regis qui Pragæ est, quibus monebatur, Electorẽ quondam Evangelicum inclinare ad partes Alberti, multaq; sibi de illo pollicebantur Hispani, tam in negotio Electionis quam in rebus Belgicis. Imperator videtur magis inclinare ad Matthiam, quem tamẽ Pontifex videtur rejicere, propter quasdam suspensiones adversus illũ ortas in causã Religionis, quas ille diluere contendit, cum persecutione Austriaco, Moravica, quibus in locis se admodum severẽ gerit contra Evangelicos, sperans hac ratione posse sibi conciliare Pontificem & Ecclesiasticos Electores, sed frustra. Volunt enim Albertũ, nõ quod sit religiosior, sed quod existimant eum futurum potentiorẽ & minoris facturum principes Evangelicos, Hujus electionis causa multa differuntur contra Evangelicos, quæ statim exequerẽtur, si de aliquo Austriaco fieret Electio. Veretur enim Imperator ne si palàm hostiliter se gerat, ut à familia sua Principes Evangelici abalienentur. Et hac de causa lætat & mulcet nunc multos, quos voti factus compos procul dubio parvi pendet.

Archi-

Archiepiscopus & ipse Colonienſis litteras dederat ad Cardinalē S. Gregorij, quibus intercedebat pro familia ſua Bavarica in negotio dictæ electionis, inſtabatq; ſe habere aliquot Electorū vota in ſuam domū propenſa, offerebatq; Pontifici tam ſuo quam fratris nomine omnes opes & copias ad exaltationē Romanæ Eccleſiæ.

Eodē tēpore Romam ſecreto, acceſſit nomine Ducis Baviariæ Legatus quidam dictus à Schömberg, unus ex quatuor Equitibus Imperij, qui dicti Bavari nomine multa egit cū Pontifice & Cardinalibus de modo agendi, ac de captanda occasione ad bellum illud ſanctum inchoandū. Idēq; de Electione urgebat, & quo ſibi conciliaret gratiam Pontificis, ſpem maximam faciebat fore, ut ex colloquio illo Ratisbonenſi, de quo tunc agebatur aliqui Principes Evangelici converterētur ad Romanam Eccleſiam. Nihilominus Pontifex Rom: non potuit adduci, ut permetteret agi de ſuo conſenſu: quin mandaverat Claudio Aquæ vivæ, ut rebus periclitantibus abrum peretur.

Cives aliquot Auguſtani, inter quos Marcus

VVelfer & Georgius Fuggerus, instabant apud Pontificem, ut ab Imperatore impetraretur, expulsio & ejectio Pastorū Evangelicorum, ex eadem civitate Augustana quam hoc tempore facile fore aiebant, tum quia potentiores & Magistratus essent Pontificij, tum & quia Principes finitimi essent Religionis Romanæ valentissimi. Eorum nomine causam hanc agebat Cardinalis Patavinus & cum illo prædictus Fuggerus, qui data opera anno elapso Romam se contulerat. unà cum illo erat etiam quidam D. Brandanus, qui illis ministrabat rationes, quibus hoc facilius fieri posset, & jam eo usq; rē perduxerat, ut Imperator instante Pontifice assensus sit, ad ejectionem prædictorum Evangelicorum Pastorum, modo fieri posset sine motu & seditione. Quin testatus est apertè, se nihil magis cupere, quam ut idem fieri possit in omnibus civitatibus Imperij.

In congregatione habita Romæ usq; de mense Ianua: 1602. decretū fuit, annuente etiam Cæsare, ut in omnib; civitatib; Imperij collocarentur & alerentur Iesuitæ, quo eorū opera posset iterni iter
ad

ad persecutionē meditatam. Sperant enim artib⁹
Iesuiticis tantū posse præstare, ut nō sint non habi-
turi fautores in civitatib⁹ illis alioqui Evangelicis,
quorū auxilio sperant facili⁹ suppressere posse E-
vangelicos. Quæstio nunc tantū fuit de alimentis.
Nam Episcopi Germani cōquerebantur de tenui-
tate reddituum. Sed Pontifex tandē statuit eos alere
sumptibus fisci Ecclesiastici, quousq; illis aliter sit
prospectum.

Archidux Ferdinand⁹ Princeps Stirix & Carin-
thix nuper conquestus est, cū Pontifice, quod cū
ipse ex provincijs suis eiecisset omnes Evangelicos
nihilomin⁹ multos ad huc ibi vivere indulgentiā
Principū Ecclesiasticorū, qui in provincijs illis ha-
bebant loca aliquot, ut pote Episcopus Bamber-
gensis & Archiepiscopus Salisburgēsis, qui eos pa-
terentur, ut exciperent. Quare rogabat ut graviter
illos compelleret & cogeret ad inchoandam eje-
ctionem prædictorum Evangelicorū: Alioqui
minitabatur se usurū Imperio summo, quod præ-
tendit in dictis locis, eoq; ejecturum manu arma-
ta etiam invitis dictis Episcopis, Pontifici arrisit.

Interim dum res apparantur ad bellum apertū

adversus Evangelicos, student dicti Pontificij per cuniculos Evangelium aggredi: & hoc anno miserunt ad partes Germaniæ. Belgij & Angliæ maximum numerum seductorum & exploratorum, quorum opera multi cujuscunq; generis seducuntur & subornantur: qui deinde in civitatibus Evangelicis aluntur sumptibus Pontificis, ut sint usuri ad ea quæ moliuntur. Horum emissorum aliquot ante mentem Lipsia transierunt habitu mentito, contendentes in Prussiam, ubi sperant nidificare posse, ut inferius diceretur. Si taliam exploratorum actiones diligentius observarentur, facile caperentur aliquot, ex quorum memorijs & annotationibus hæc & plura detegerentur.

Ante paucos annos hic Pontifex instituit Romæ duas congregationes sive Senatus, quarum una dicitur congregatio ad propagationem fidei, altera congregatio sacri fœderis: in quarum singulis sunt novem Cardinales & totidem Consiliarij, qui una conveniunt singula septimana semel, nihilque agunt, meditantur vel student, quam excogitare, proponere & examinare rationes propaganda Ty-

dæ Tyrannidis Pontificiæ, & sternendi iter ad per-
 secutiones & carnificinas adversus Evangelicos;
 nec non aucupandi occasionē inchoandi bellum
 illud execrandū contra fideles. Ex hac congrega-
 tione prodeunt enissarij illi & exploratores, qui
 singulis annis magno numero mittuntur ad tur-
 bandas provincias Evangelicas & ad seducendos
 fideles. Et deniq; duæ illę congregationes sunt of-
 ficinæ, in quibus formantur omnia instrumēta, &
 fabricantur machinæ, proditioes, cōsilia, scelera,
 & omnia mala contra Evangelicos. Habent autē
 prædictæ congregationes particulare cōmmuni-
 cationē cū Iesuitis, & alumnis collegiorū Germa-
 nicorū, Anglicorū & Maritimorū. Ex quibꝰ tan-
 quam ex equo Trojano extrahunt proditores &
 seductores, quos mittunt, ut dixi, ad omnes pro-
 vincias Evangelicas. Illi enim omniū judicantur
 aptissimi ad dolos & proditioes. Nam ob lin-
 guas, quas callent, ob mores, affinitates & cliente-
 las quas habent in omnibus provincijs Evangeli-
 cis facilè se insinulant & intrudunt in Principum
 & Nobilium aulas & familiaritatē, & si quos vi-

dent faciles & flexibiles, paulatim promissione & spe bonorum, & dignitatum, & rerum magnarū, tam nomine Cæsaris quam Pontificis conantur eos allicere & seducere. quod sæpe illis prospere cedit, ut videre est ex Baronibus & Nobilibus, quos nuper subverterunt, nempe Barone de Dermentorff, & à Danna, ac de multis alijs in Germania omitto quid in Gallia, Anglia, & alijs provincijs.

Magnus sane est eorum numerus, qui singulis diebus confluunt Romam ad Christū abnegandū. Major est etiam eorū, qui secretò, domi abjurant, & per dictos emissarios instituuntur ad Idolomaniam pontificiam, ac in patria & civitatibus Germaniæ aluntur, quo possint simulate inter Evangelicos viventes promoverē Pontificiam. Quod faciunt strenuè. Nam dictorū opera Romæ sciuntur omnia Evangelicorum contilia, dissidia, & affectiones. Pars eorum Apostatarum, qui Romam cōfluunt, qui fere omnes sunt tenuioris fortunæ in Civitate Romana, & in ipsa aula retinetur & alitur, ut sint usui cōtra Evangelicos, qui Romam seconferunt, & ad alia multa, de quibus inferius dicetur.

Altera

Altera pars per diversas Italiæ partes & civitates distribuitur, ad explorandum & observandum, an aliqui Principes vel Nobiles Evangelici ad Italiam accedant: Quos cū primum detexerunt, quod illis facilimum est, ob Iesuiticam institutionem, quam exacte callēt, statim eos accusant & denunciant, siue Pontifici, siue inquisitionib⁹, prout sunt personę qualitates. Horum exploratorum aliquot Romę cognovi tunc, cum ibi versarer, ante biennium, quos ut vitari possint ab Evangelicis, qui Romam se cōferunt, nominatim recensabo. Horum prim⁹ est Iohannes Hieronim⁹ Fendri, qui cubacula habet locanda ad signum Leonis Albi. Hic cum duobus filijs Germanicam linguam callentibus à Pontifice stipendium habet annuum, ut prodāt adventantes Germanos. Secundus est quidam Gerberus ad signum Aquilæ nigræ prope pontem S. Angeli. Tertius sartor quidam Belga in via quam Iuliam vocant. Isti tres propter artes, quas exercent, huc illuc cursitant per hospitia, ad ursum & campanam, ad ensē & similia, ubi solent divertere Germani, & ob linguam

guam & artes quas exercent commodè & dextrè
 se insinuant in Nobilium, vel saltē famulorum &
 domesticorum familiaritatē: & pedetentim ex u-
 no aut altero signo & argumento facilè detegunt
 cujus sint Religionis & Regionis; quo cognita in-
 discriminatim eos produnt, siue sint Principes, si-
 ve sint alterius conditionis. Omnes enim prædicti
 & multi alij in hunc finē sunt à Pontifice stipendi-
 ati. Sunt præterea aliquot alij literati apostatae, qui
 idē præstant, sed graviori & subtiliori ratione. Isti
 enim nō nisi ad magnos viros accedunt & ad eos
 tantum quos prædictorum ruditas nō potuit di-
 gnoscere. Inter hos est quidam Caspar. Scoppius
Bamberg. D. Faber Medicus ad Hospitalem S. Spi-
 ritus Francofortēsis, Iustus Calvinus Heidelberg:
 Iohan. V Vartinus Amberg: D. Iosephus V Vur-
 mationensis, Arnoldus Martinus Allobrogus, Ste-
 phanus della Favergia Genovenſis, Antonij Cal-
 vini Privignus, Rebellus Gallus qui antea Ducis
 Boullionei fuit Secretari9, multiq; alij huj9 farinae
 ex omnib9 fere Provincijs Germaniæ. Isti cum pri-
 mum intellexerunt aliquē adesse Germanū, alicu-
 jus no-

nominis, vel cum aliquo honesto famulatio ad illum advolant, ac illis quasi officij causa in gratiam patriæ & gentis exhibent sua studia & officia, seq; rerum memorabiliū monstratores offerunt, paulatimq; cum illis rebus aulæ Romanæ agunt, & nonnunquam quædam proponunt de moribus & cæremonijs Pontificiorū, ac si ipsi de Religione Romana malè sentirent, ut hoc colore detegant, quo quisq; pede claudicet. Ab his pessimis Apostataris maximè cavendū est Romam accedentibus. Nam pauci sūnt qui eorum technas effugiunt, eorumq; relatione & opera multi infimæ sortis homines in carceres sunt intrusi, & ad Christum abnegandum coacti. Cum Nobilibus enim & Principibus Pontifex ob multas causas statuit mitius agi debere; sed nihilominus etiam illis tendit laqueos, contenditq; eos vel seducere, vel aliquo modo occultè e medio tollere.

Prædictorū Apostatarū & exploratorū opera rescivit Pontifex, omnium Principum qui in Italia fuerunt antea actis annis adventum & moram & ab die, quò ingressi Italiam, semper habuerunt,

M

qui

qui nomine Pōtificis eos sequerentur, corūq; actiones & motus observarent, non sanè ut eos caperent vel detinerent. Nam jam experti sunt illis rationibus non prodesse Ecclesiæ Rōm: sed ut corū affectiones & progressiones explorarentur, quo facilius allici & seduci possent.

Pontifex vel inquisitores cognito alicujus Principis vel Nobilis Evangelici adventu, statim aliquem virum honestum ad hoc instructum ad illos ablegat, eisq; omnia humanitatis officia offert, munusculumq; aliquod eis exhibet nec non blandis verbis eos excipit, eosq; bono animo esse jubet, interim non omittit per emissarios suos eos tētare de Religione, contenditq; quibus potest humanioribus rationibus, vel eos avertere à Religione Evangelica vel saltem ex Italia demittere, melius persuasos de moribus Pontificū & de Religione Romana. Hujus rei testes esse possunt Principes V Virtembergici, Anhaltini, Palatini, Neoburgici & Saxonici, qui talibus munusculis, branditijs & artibus fuerunt tentati, nonnulliq; ex eorū consiliarijs & præceptoribus acriter expugnati, & maximis

ximis & speciosissimis promissionibus honorū & dignitatum tentati, ut principes suos proderent & averterēt. Qui verò tenuioris fortunę sunt, inquisitorib⁹ tradūtur, ut eos diuturnis carceribus mācerēt, vel cruciatib⁹ ad Christū abnegandū compellant; vel si constantes sunt in veritate Evangelica igne ferro & duris tormentis dissecent & interficiant. Supra dictorū Principū adventu & mora in Italia multa de Principum Evangelicorum inter se dissidijs & de statu Religionis in Germania, & de propensione populorū erga Principes, nec non de multorum viribus & consilijs cognovit Pontifex, quæ ferendi & fovendi discordias & simultates inter Principes Evangelicos, machinandique multa in perniciem Evangelij illi sunt oportuna.

Sperat enim nunc ut sæpe jactare solet, proprijs Evangelicorū armis tyrannidem propagare & stabilire. Quare caveant sibi Principes Evangelici, discantq; fidere minus Principibus Pontificijs, & si sapiunt, abstineant ab Italia & Roma potissimū, vel cum eo sunt profecturi, videant quos secum habeant, & quibus fidant.

Intellexerat nuper Pontifex partem quandam Prussiæ perventurum ad filiam Marchionis Brandenburgici : & ideo cum Imperatore & Rege Polonia tantum egit, ut illustres cunctis viribus sint conaturi, ne ad Brandenburgicum, sed ad Polonum perveniat. Et nuper in alias regiones miserunt Alastores Iesuitas, qui parentiter. Nam ab illa parte cogitant excitare turbas & in hunc finē Romæ cunctatur Legatus Polonus.

Tentaverunt prædicti conföderati per Alastores & Emissarios suos subornare Comites Frisiæ, eosq; inducere ad transactionē quandam de civitate Embdenſi resignanda Imperatori, ne ad ordinū manus perveniat, & quo haberent Pontificij iter patēs, & quasi portam apertam, ad turbandos Evangelicorū progressus in oris, jactabantq; jam aliquid certi statuisse, ac ad Hispanorū partes, & Religionē Romanam eos Comites attraxisse, apud quos Iesuitas aliquot aiebant, qui eos instruerent, ac in officio & Religionē sedis Romanę continerent. Sed cum res illis malē cessissent ob vigilantiam ordinū, nunc alia meditantur remedia; con-

ten-

tenditq; Pontifex omnibus rationibus excitare lites inter Archiduces Austriaces & Ducem V Virtembergicū, ob alienationē, & cessionē factam ab Imperatore de feudo Principatus ejus V Virtembergici, quam nolunt esse ratam debere, in præjudiciū Ducū aliorū Austriacorum, & potissimum eorum, qui tunc erant in pupillari ætate, quos ille excitat & instigat ad petendam restitutionē in integrum, & ad arma capienda cōtra V Virtembergicum, sperans bello semel in Germania contra Evangelicos inchoato, posse rē persequi, & Pontificiam Idolomaniam instaurare. Student porrò Alastores illi Pontifici ad partes dictarum congregationum Romanensium excitare dissidium inter Electorē Palatinum & dictum Ducē & V Virtembergicum, ob quædam loca jam multos annos occupata per V Virtembergicum. Quorū repetitionem per Consiliarios corruptos, & per alios malè feriatos homines conantur persuadere Electori Palatino, cogitantq; hac ratione, addita etiam discordia Religionis, posse ad arma inter se concitari, vel saltem inter eos simultatem alere, ita ut alienentur & disjungantur ne ad

communem defensionem, cum alter eorum invasus fuerit, arma jungant, & alter alteri sit auxilio. Quare sint Principes magis oculati, nec tam faciles præbeant aures disseminatoribus discordiarum inter Evangelicos ipsos. Quædam etiam moliebantur contra Marchionatum Badensem sive Durlacensem, quorū unus jam videbatur cōvenire cum Pontificijs, egeratq; cum Episcopis Spirensi & Constantiensi de Pontificia Religione restituenda, si modo perveniat ad regimen, quod sperat ob valetudinē adversam, qua laborat Durlacensis Marchio; quem dicebant non diu posse esse superstitem, & eo mortuo hunc Pontificium ei successurum, qui auxilio Pontificis, & confœderatorum prædictorum, pollicitus est restitutionem Idolomania Pontificia, nec huic negotio deerunt prædicti. Nam nihil unquam prætermittunt, nullamvè occasionem omittunt, modò possent turbare Germaniam.

Archiducis Alberti instigatu & Pontificis autoritate nstuntur instigare Imperatorem ac omnes imperij ordines contra provincias Belgij, sive Batavia, prætenduntq; illos occupasse & indies occupare loca & ditiones Imperij ominanturq; brevi futuras esse formidabiles omnibus Principibus & Regibus, nisi illis occurratur, antequam latius Imperium propagent. Et adeo potuit apud multos vasa & astuta Pontificiorum persuasio, ut speciosis titulis Imperij etiam aliquos

aliquot Evangelicos Principes fascinarint, qui decepti & seducti hac Satanica calliditate, videantur inclinare ad excidium & oppressionem dictarum provinciarum confœderatarum: non animadvertentes, hoc esse subtilissimum Antichristi contumtum, & stratagemam, quo Evangelium Evangelio committat: & si fieri posset, Regnum Evangelicum Evangelicis armis destruat. Sunt hæc (mihi credite) ejus quam nuper dixi execrandæ confœderationis & impiissimorum venenata consilia & scelestissima inventa, palliata nomine & bono Imperij, ad quod nulla ex parte pertinent. Sunt potius consilia hæc opprimendi Barbares contra Imperium, quam pro Imperio, ut quilibet facile videre poterit, si statum Dominationis Hollandiæ, cum Tyrannide Hispanica conferat. Deinde, quis est adeo stupidus & expertus sensus, qui nesciat, quo animo semper fuerint, & sint Pontifices Romani in Imperium: cujus amplitudinis & Majestatis semper fuerint amuli & professi hostes? Quare etiam Pontificij ipsi Principibus suspecta debent esse omnia consilia, cum de bono Imperij agitur.

Ex eodem fonte siue potius baratro confœderationis prædictæ contra Evangelicos promanarunt bella & motus contra Geneveses & Argentoratenses hoc anno: quæ fuerunt quasi præludia generasis persecutionis, quam meditantur: periculumq; fecerunt his moribus de consilio & viribus Evangelicorum, observaruntque an arma sint juncturi ad communem causam defendendam; unusquisq; separatim res suas sit tentaturus. Præmonueram ante quindecim menses per fideles amicos, tam Geneveses quam Argentoratenses de consilio inter confœderatos Pontificios habito, de illis ex improvviso opprimendis & aggrediendis: an crediderint nescio. Me vera & certa, solo Religionis Zelo monuisse, certum est eos jam experientia & eventu doctos cognovisse. Idem futurum de ijs quæ nunc omnibus Principibus Evangelicis scribo, & sincère indico. Nam testis est Deus, quod cognita & tractata narro, nec alio fine, quam Religionis Evangelicæ Zelo.

Non sine altutissimo consilio constituerat eodem tempore aggredi Genevam, & Argentoratenses. Nam his duobus motibus simul excitatis, sperabat ita detertere & occupare bello Genevesi Helveticos Evangelicos, ac possent esse auxilio Argentoratensibus, prout ante novem annos fuerant. Ac etiam existimabant bello Argentoratensi inchoata, Principes protestantes adeo futuros suspensos & trepidantes, ne paterentur milites ullos ex ditionibus suis auxilio ituros Ordinibus Bataviæ contra Albertum. Audiverunt Principes aliquot Germaniæ opem laturos dictis Batavis, quos avertere cogitaverunt opinione belli contra Argentoratenses. Nec eos fefellit opinio, si res ipsis successisset feliciter ad Genevam. Nec ob id, re infeliciter gesta remittunt animum & spiritum. Decreverunt enim quovis modo ignem accendere in Germania. Et ad hoc etiam intenti sunt Principes externi, ut extinguant flammam adhuc grassantem in eorum provinciis, accendendo ignem in alienis. Et hac ratione habeant suarum provinciarum seditionis & turbulenti locum, ubi furem & sanguinarium animum exercent & expleant. Consilium hoc omnibus temporibus fuit

Segetes & fons multorum bellorum universo in orbe. Hoc diu usi sunt Pontifices Itali & Reges Hispani, quo jam multis annis domi sunt in pace spectatores bellorum Belgii, Galliarum & Ungariarum quæ ipsi ad prædictum finem excitaverunt, inflammaverunt, & etiam nunc alunt & fovent.

Generosissimi illi Germani antea totorum seculorum non expectabant, ut quis eos domi conveniret, & in patria adoriretur, sed illis in Italiam in Hispaniam usque, obviam procedebant. Nondum extincta est in Germanorum animis virtus illa Heroica & divini illi impetus, quibus universum orbem armis domuerunt: Ex pergescant tantummodo, & fortissima illa pectora & invictum robur exerceant, adversus illos sacrificulos effeminatos & imbecillos, qui quamvis nostris desidia feri ferociant & insultent, non audent Germanos in Italia expectare, quorum vultum ne antea totis temporibus sine timore poterant intueri. Germani legant majorum gesta ab omnibus omnium seculorum scriptoribus decantata, discantque tandem esse Germanos Tyrannorum oppressores, libertatis vindices & mundi domitores: nec pariantur Papam Burdoviculum, & Principes aliquot Papeos imbelles & ociosos adeo petulanter insultare feroci & masculæ genti Germanarum. Constant erat fama, idemque jactabant Galli ipsi Genavam conscio & permittente Rege Galliarum fuisse à Subaudo tentatam. Nam ex conventionione ante duos annos per Cardinalem Aldobrandinum facta, inter Gallum & Subaudum conventum & pactum fuit, Ducem Subaudum posse sine offensione regis, ac sine fractione pacti expugnare Genavam, hæc tamen lege, ut illa capta, vel demoliretur, vel ita divideretur, ut pars illa quæ est trans Rhodanum versus Galliam spectaret, ad Regem: quæ vero Rhodanum adversus Allobroges, ad Ducem. Multa tunc in illo congressu cum Aldobrandino rerum promissæ Galliarum circa receptionem Concilii Tridentini, circa confederationem prædictam & circa restitutionem lesuitarum. Quæ quamvis hæcenus fuerunt dilata, tamen Cardinalis Doforus & Regis Legatus fidem faciebant apud Pontificem, omnia suo tempore facturos, testabanturque eum esse propensissimum erga sedem Romanam, nec potuisse hæcenus promissum præstare propter sædas, quod confirmandum fuit cum Helveticis, & aliquot Principibus Evangelicis: quos offendere videbatur prædictorum executione: eum tamen idem brevi præstaturum. Sed ut verum fatear, ego in ea sum sententia de Rege Galliarum, quam sæpe audiavi ex ore Pontificis; nempe Regem esse artificiosum & nulli parti addictum.

Rex Hispaniarum sub contextu obsidionis Algerij in Africa classem instruxit Maritimam in Mediterraneo & Thyrræno mari, nihilominus egressus est per fretum Herculeum sive contra Hollandos sive contra Anglos. Et hujus Classis expectatione Albertus tam diu cunctatur sub Ostenda. Hujus suæ intentionis argumenta sunt quam plurima: sed unicum valde apparet, quod Classis illa instructa est majori ex parte ex navibus maximis ad fluctus Oceani accommodatis, & litoribus Africæ & Mediterranei parum aptis; ad quæ triremes Galliarum sunt magis

magis idoneæ, & Carolus v. eis tantum usus est. Sunt & alia argumenta eorum adis à me observata ceteris. Quare ceteris sibi ipsos quos spectant, Nec diu hanc emptionem differant, modo possint portum aliquem tutum sibi polliceri, in tractu maris Oceani, quod fortibus viribus contendunt. Dicunt enim rebus suis hoc unicum obitare, quod nullos habeant portus, vel canales capaces numerosæ Classis, quem se occupare aliquando poterunt, jactant se habere eos mari & terra copiosius innumerabiles. Et fano maximus est numerus in Holandia, Selandia, Frisia, Anglia & Scotia eorum, quæ Pontificiorum partes loquuntur, quiq; sollicitam Principes Pontificios ad arma contra dictas provincias, polliceanturq; omnem operam, si eo appulerint. Et antecessis mensibus lesuiter qui personati vivunt, ac missificanti in dictis provinciis, scripserant an Claudium Aquarivam, eorum præpositum generalem, numerum Pontificiorum, qui arma ferre possent, esse in solis Batavia & Frisia provinciis ad 30. milia & ultra: qui etiam erant animati, ut ad omnem occasionem essent parati, sanguinem profundere pro Ecclesia Romana. Illorum literæ lectæ fuerunt in congregatione ad propagationem, ut vocant, fidei; & tanto cum applausu, ut omnes judicarent, eâ Classe aliquod appellente, facile maximos excitari posse motus, optimosq; sperandos esse successus pro Catholicis in dictis provinciis, si res Alberto tantum semel feliciter succedant. Et revata Ordines deberent majori severitate horum rebellium compescere petulantiam, ne nimia indulgentia fiant peiores.

Ecclesiastici Germani qui ad Rhenum habitant, ut pote Moguntinus & Coloniensis monebant Pontificem Romanum in Germania passim fieri confederationes inter Principes Evangelicos: haberiq; frequentes conventus, partim pro tuendo Calvinismo contra Lutheranismum: partim pro Lutheranismum contra Calvinismum: eodemq; hoc tempore magis inter se esse discordes & accensos. Multaq; alia addebant magis particularia de factionibus politicis, & de aliis simultatib; & odiis utriusq; Religionis ad invicem, ac de dissidijs ejusdem inter sese, una cum aliis etiam effectibus populorum erga Principes, ut inde suspicarentur ac sperarent, brevi eosdem Evangelicos inter se ad arma venturos, & hac occasione posse propagari commodè Religionem Romanam.

Confederari prædicti ansa arrepta nec laboribus parcunt nec sumptibus quouulantur & augeantur hujusmodi dissidia, contentiones & odia inter Evangelicos. Et quod perniciosum est ac miserè deplorandum, tantum potuerunt suavitate & nostra ignavia, ut ad prædicta exitanda & fovenda, utantur etiam Principum & Consiliariorum Evangelicorum nescio an dicam simplicitate an malignitate. Multiq; hoc nostro tempore ita sunt dolis pontificum & artibus aulicorum quorundam fascinati, ut certo certius sibi pervadeant, Monarchas & Principes Pontificios non malè velle Evangelio: & quod magis Pontificem ipsum favere Religioni & exparte parem, cum nostris etiam hac inani confidentia circumventi, & quasi mortifero pharmaco sopiti altum dormiant somnûm, qui vigilare deberent super gregem Domini. Quæso Illustrissimi Principes quotquot estis, qui Idolomania Pontificia renuntiastis, sanctoq; Evangelio, sive

sub nomine Lutheri, five Calvini, faveris, depositis inter vos simultatibus & odiis si quæ sunt; in unum sanctum & verè sacrum fœdus omnes conveniatis contra hostes professos & juratos: Hostesq; & inimicos pessimos credatis esse Pontificios quotquot sunt. Quod si non creditis meæ simplici narrationi, observate quæso actiones & motus. Facile enim comperietis verissima esse, quæcumq; hoc scripto sum complexus. In quo non respexi quid mihi commodum, sed quid vobis & universo regno Evangelico esset salutare. Multa etiam omisi particularia, ne prolixior sim: Quæ si cognovero, vos prædictis ut decet bene uti, non prætermittam addere ad communem Evangelicorum utilitatem. Interim vigilate, vobis cavete, Deoq; gratias agite,



Discursus Fr: Campanellæ.

DE BELGIO SUB HI- SPANI POTESTATEM RE- DIGENDO.

NON sine causa Catholicus Hispaniæ Rex rebellem suam inferiorem Germaniam reluterari nititur, adeo, ut quod jam tenet, vix tantum aquæ habeat, quantum in eo occupando sanguinis effusum est, neq; tantum lapidum quantum auri impensum est. Adquisitâ enim eâ perfacile erit mundi imperio potiri, cum inde Germaniam & Galliam subjugare, classem Anglicam attenuare, ac reliquos septentrionales populos enervare, vel saltem se ab ijs securum præstare, res pene sit exigui laboris. Iulius Cæsar hoc probè noverat, qui statim eâdem in suam potentiam redactâ reliqua septentrionalia quasi secunda reliquens inde in Angliam trajecit. Neque ulla tam aptè potentia contra classem Anglicam (quæ jamdiu multum damni navigationi

Indicæ Imperio Hispanico intulit) excogitari aut inveniri poterit. Ut pote quæ numero navium, oportunitate portuum, potentiâ urbium, gentis ferociâ, & rei nauticæ peritiâ nulli sit secunda. Vnde sperandum est fractâ maritimâ Anglorum potentiâ & securâ factâ navigatione Indicâ, Hispanum cum Portugalensibus mundum liberè circumnavigaturum, Colonias deducturum, terras subjugaturum, negociationes maximas exerciturum, ac denique quicquid Imperio dignum fuerit, sibi adquireturum. Propterea summa ope illum niti oportet illud effectum dare. Quod quamvis hucusq; factum nimis arduum inventum est, propter ignorantiam modi, quo talis populus tractari debeat, nihilominus monstratis primùm erroribus ab Hispano in hac causa admissis conabor postmodum ante oculos ponere regulas secundum quas facilius subjungi poterunt posthac. Populos septentrionalis tua natura libertatem licentiosam amat, regibus imperium non nisi restrictum, idq; cum parva auctoritate conjunctum, concedit. Fœcundus, infrænabilis, & ferus est cœlum ac solum frigidum habet, adeo

adeo ut calor natus à prædominante frigido suppressus, non possit se subtiliter movere aut exercere. Succus & sanguinis plenus, corpore grandis, spiritibus vitalibus abundans, robustissimus, plus Baccho quam Veneri dictus est. Cogitationes & consilia abrupta & propter ingeneratorum vaporum crassitatem minus accurata habet. Denique propter spirituum vitalium abundantiam parum gravis est, ut plurimum licentiæ, suspicionibus & ebrietati deditus est. Propterea nimia legum severitas aut imperium violentum huic populo nequaquam conveniens. E contra meridionalium, præsertim Hispanorum, nam huic omnino contraria est. Dico igitur Belgas libertatem religionis lubentissimè amplexos, idque præcipuè duplici de causa. Primum ut soluti legibus Ecclesiæ Romanæ, quæ ad sobrietatem jeiunium, castitatem &c. invitant, facilius possent indulgere Genio: cumque vehementibus animi passionibus agitantur, facile persuaderi ijs potest, ab isto licentioso vivendi genere se abstinere non posse. Hinc factum est, quod tam facile Lutheri & Calvinii dogmata approbarent, cum doceant

hominem libertatem bene aut malè faciendi non habere, sed Deum in homine bene aut malè operari. Propterea, inquam, facile credent, in ipsis nō esse positum, ut bibant minimè, non scortentur. SECUNDO ut Papæ & principum (contra quos concionabatur Lutherus) Imperio se eximerent: Adeo ut vindicantes se in libertatem conscientia, absolutam dominandi licentiam sibi met ipsis acquisiverint. Primus igitur in hac causa ab Hispano admissus ERROR fuit hic : Quod Carolus V. Lutherum ex comitijs Augustanis vivum dimiserit, ac quamvis non desint, qui propter rationem status hoc à Carolo factum dicant. Sic enim Papa timens crescentem contra se Lutheri auctoritatē Caroli partes semper erat secuturus, opibusq; ac indulgentiis omnes ejus conatus, quibus ad Monarchiam adspirabat juvaturus. Dico tamen contra omnem rationē status hoc factum esse. Enervato enim Papatu toti⁹ orbis Christiani vires franguntur, & posita aut concessa hæresi omnes populi contra legitimum dominū rebellabunt, sub specie vivendi in libertate conscientia, quemadmodum

modū Germaniam tam superiorē quā inferiorē, ejusdem Caroli provincias fecisse videmus. Pietas igitur quædam generosa huic errori causam præbuit, cū putaret Carolus se quovis tēpore invictis suis viribus Germaniam ac Protestantes devicturū, & talis animus causa fuit rei tam malè gestæ in Gallia & regno Tuneto occupanda. Servanda igitur Luthero data fides, quamdiu comitijs interfuit: sed dimiss⁹ in itinere opprimendus erat, & reliqui Protestantium Principes in semine extinguendi. Quod si factū fuisset, non postmodum ortus fuisset Calvinus & alij Heresiarchæ neq; inferior Germania sub specie libertatis conscientia vindicandæ, se in libertatem dominis vindicasset.

ALTER ab Hispano in Belgio admissus Error fuit hic, quod populum istum recalcitrantem & frena excutere volentem, severa inquisitione & insuetis exactionib⁹, quas Alban⁹ imposuit more Hispanico frenare & in ordinē redigere voluerit. Ignem accensum quò magis suffocas, tantò magis fervet; Et quid quæso hoc aliud fuit, ijs nondum armis subjugatis, aut à vitimentibus, quā

quàm ad desideratam tam conscientiae quam libertatem dominij instigare, & justam rebellandi causam præbere. Inde nova Reip. forma ibidem nata, & ingenio aut viribus valentes in honore habiti; Illi quod hæresin ipsis maximè arridentē approbârint, propagârint: alteri quod libertatis defensores armatâ manu sese prostiterint. Secuta sunt postea cum Hispanis bella, & Vranij pater & filiûs, quia libertates vindices, gubernatores provinciarum Ducesq; belli declarati sunt. Accedit, quod ejdē imperij cupidi omni modo adnixi sint Calvinianissimum inducere contra Papatum qui multò magis discordes Belgas & Hispanos facit, quam climatis corporû aut morû diversitas. Illi albi, grandes, licentiosi, potatores, gulosi, impatientes, indiscreti, sanguinei, liberales. Hi contra nigri, parvi, austeri, sobrii, graves, continentes, patientes, discreti, melancholici, avari & rigidi, denique prorsus dissimiles: adeo ut inter ipsos vix possit conflari mutus amor aut amicitia, cum nullam penitus habeant convenientiam unitivam, quæ quidem antehac in Religionis & Dominij unitate con-

consistebat. Quid restat ergo, sublata utraq; illa
 nihil certè nisi mutum Vatunianū odium, & in-
 humana inimicitia ut putem populo isti vix tam
 caram propriam vitam quàm servitus Hispanica
 sit odio. Hispani vicissim Belgas cane pejus & au-
 guere oderunt, possunt tamen odium magis dissimu-
 lare, sed ubi armis vincunt nihil crudelè non exer-
 cent. Talia non altius considerasse & usq; adeo
 longè adfectibus indulgisse pulcherrimis istis
 Provincijs Regem Hispaniæ privavit. Nec igitur
 inquisitionis, nec tributū, nec belli ulla faci-
 enda erat mentio, imò ne quidem suspicio illorū
 mentibus ingeneranda, sed clam Prælidia Hispani-
 cā per munitissimas & populosissimas civitates
 adeo summa celeritate disponenda. Deinde
 pars major seditiosi & ferocis istius populi alio
 transferenda sub specie contra aliquem longin-
 quum hostem bellandi. Heresiarchi exstinguen-
 di, sapientes prædicatores catholici ibidē nati in-
 ducendi, inquisitio sub alio quodam min^o suspe-
 cto nomine per Episcopos exeq;nda Tributū de-
 niq; omnino abrogandū, quò facili⁹ appareret per
 religio-

religionem Belgarum potius salutem, quàm Hispani dominium quæri: Præterea Germanis aut Italīs, non Hispanis quorum natura prorsus dissimilis est, rerum administratio concedenda estat. Imperium enim Hispanicum severum est & strictum, Belgæ contra liberum & licentiosum amant, solos tamen Hispanos in præsidij esse voluerim.

TERTIUS ERROR erat quod Ducibus Hispanis bella administrata fuerint, qui sævis verberibus potius quàm lenibus verbis in Imperio utuntur, quo quidem imperandi modo isti populo nihil alienius: Sperandum tamen erat, si ipse Philippus Illud iter suscepisset, plus potuisse efficere quàm quemvis alium, utpote qui sanguinè Germano oriandus erat, & quanti Austriacos fecerint, vel inde saltem apparet, quod Matthiam Archiducē qui ipsis prælideret advocârint: eo vero dimisso Francisci Alenzonij Ducem in ejus locū substituerint, qui cum cuperet absolut⁹ provinciarū istarū dominus fieri, uullo solido ejus fundamento vel in religionis unitate, aut amore populi versus se po-

se posito, Antvverpiam forti manu occupare nix⁹ est, sed cū suo dedecore & jactura repulsus cōtra-
cta gravissima vitam finiens, dominiū quod avi-
dē petijt turpiter amisit. Ita populus hīc compara-
tus est, quod vj velis conari non efficies, quod dolo
aut persuasionibus econtra facillime. Margarita
Austriaca populo Belgico acceptissima admini-
strare istus provincias potuit, sed nō domare pro-
pter hæreseos incrementū, & metū jugi Hispanici,
quæ duo Principi Vrania & ceteris Belgarū capi-
tibus rebellandi & jugū excutiendi occasionē de-
dere. Præterea modū optimum subjugandi nobis,
Deus monstravit cū scilicet ipsi inter se in religio-
ne dissideant & in sectas Lutheranorum, Calvini-
anorū, Zvinglianorū, Anabaptistatū divisi sint
ut vix ulla domus sit in qua non de rebus spiritua-
libus diversè sentiant. Prima pars prudentiæ est;
oblatis occasionib⁹ bene uti & sine dubio si hanc
occasionē Hispan⁹ meliùs considerasset, effecisset
plura quàm facta sunt. Diversitas opinionū cau-
sa est, quod nūquam valde possint esse unanimes,
neq; inter se belli ducē aliquem qui foris rē gerat,

eligere: Timentis ne talis adquisitis simul viribus & auctoritate alteri sectæ addictos opprimat. Et bellum quod contra ipsos Hispanus gerit unit saltem ad defendendum non ad offendendum. Insuper multa alia mala concurrunt, quæ harum provinciarū subjugationem difficilem reddunt.

PRIMUM: Quod Hispanos inimicos suos domi laceſſat quibus aer, Cælum, ſolum, & tota temperatura conveniens eſt. Hispano verò omnino noxia. II. cognitis belli incommodis populus Hispanum mali cauſam odit, præſertim cum videat tam furere & ſavire in ijs locis ubi victoriam obtinet. III. Hispanici Duces militiam ut artem exercet lucri ſolummodo cauſa, nec armis decertant ut vincant, ſed ut decertent, tantum, ac inter ſe mutuo colludant, quiſq; ſemetipſum pontentiorum efficere ſtudens. Nam Comes Mauritius ne auctoritatem ſuam in iſtos amittat, omnimodo nititur bellum protrahere, atq; ita pedetentim imperiū invadere, q; madmodū multi alij hæreticorū principes iſdē artibus idem fecere, & etiam nū efficere conantur, E contra Hiſpani nō admodum

dum belli hujus finem desiderant: Sicut enim continuato bello non solum ipsorum stipendia indies crescere, verum etiam auctoritatem sese sibi ipsis majorem in Hispania conciliare. Et hoc idem faciunt ferè quod Carolus Spinelli in Allaburro, cum Marco Schiarra contra quem armata manu missus est. Quid igitur miri, quod tot nummos in cassum Philippus II. Effuderit, aut quod populū illum contra se magis exasperaverit, bellicosiores effecerit, ac amulo suo Mauritio Nassovio tantam auctoritatem conciliaverit. Nihil magis unitatem hucusque inter Belgas sua natura satis inter se discordes unitatem conservavit, quam ab Hispano met: ut sane crediderim Hispanis nocere quod contra eos bella gerant, ijs verò multum prodesse. Adfirmant Salustius & S. Augustus Romanos suam libertatem & aliorum defendendo in tantum crevisse potentiam ut toti mundo imperitarent. Sed quoties quies ab annis totius intestina dissidia nata. Eversa amula Chartagine liberè sine externi hostis metu Mariannæ & Syllanæ partes rep. atterebant donec tandem temporibus Cæsaris & Pompeij tota Reip: forma eversa fuit, quis scit an idem casus Belgas maneat,

Certè qui in suo natali solo religionem, patriæ libertatem, parentes, conjugem & liberos propulsat, longè fortior est eo qui in alieno aliena vi invadere conatur. Nam quos invaseris nisi prima vice opprefferis indies denuo sese reficiunt, & restaurant vires; e contra qui invadunt, omnia sibi inimica habent, aërem, cœlum, solum. Ipsum etiam populum, quem invasere, propter incommoda quæ bella secum ferunt, ceteris omnibus longè inimicitiorem. Hannibal si victoriam ad Trebiam aut famosissimam istam cladem Cannensem Maherbalis consilio prosecutus Romam adortus fuisset, non dedisset tempus de reficiendis viribus deliberandi. Similiter Abialom si consilio Architofelis subito victoriam, quam in manibus habebat prosecutus fuisset, Iudæam invasisset. Propterea inquam ut victoriam obtineas, aut primo impetu delendi, aut extra natale solum eijciendi sunt. Quem admodum Anthæum Lybiæ Regē qui terram suam tangens reficiebatur, Hercules à terra sublevatum in aëre pendulum subfocavit, id est extra suum regnum eductum superavit.

In

In cassum igitur Belgium in Belgio amplius oppugnat Hispanus cum primus impetus frustra fuerit, & hodie duo omnino solidè in hac causa pendenda & procuranda.

I. Ut inter se discordes sint. II. Ut extra Belgium belli gerendi causas eliciantur: Cadmus in Boeotia quam peregrinus ingressus est Imperij Thebani fundamenta iacturus Serpentem id est Boeotorum defensorem occidit deinde dentes, id est, novarum verum desiderium & controversias scholasticas disseminavit, & quibus nati milites in se mutuo arma conyertentes usq; adeo sese invicem adtrivere, ut quod reliquum fuit, Cadmum domini loco adsciscens Thebanum imperium fundaverit. Idem censeo in hac causa Hispano faciendum, & merionales Septentrionem invadentes cum viribus non sufficiant acquisita rueri oportet Cadmi & Iasonis adhiberi, malo tamen Iasonis qui Medæ, id est, Virginum Septentrionalium Iunimum sibi conciliavit. Nam virgines Septentrionales frigide naturæ viros merionales natura calidos amant neq; tantum viri Belgæ Hispanos oderunt, quàm eosdem amant puellæ, II. Eiusdem carminibus serpentem, id est, belli Duces & ministros Evangelij firmissima regni propugnacula occidit. III. Ferocissimis tauris excantatis jugum imposuit, id est, nobiliores & populi primarios auro corruptos vires reddidit. IV. Dentes id est, de religione, doctrina, præminentia, & discordia seminavit. V. Natis ex isto semine militibus, id est, factionibus Guelforum & Gibellinorum, Lutheranorum & Calvinianorum, sese mutuo adtrivere. Ij verb qui reliqui erant, parci admodum & asperni Iasoni suam operam præstiterunt, ut auro, id est, desideratis provincijs potiretur. Hanc fabulam Hispanis exposui ut sciant tandem post tot labores exarsuros, & totamissos milites, quemadmodum & Cadmo ante occisum serpentem accidit, quo postea consilio res sit gerenda. Hisce igitur regulis ante oculos collocatis, & sedulo observatis facilius populum istum subjugabunt.

I. Catholicus Hisp: Rex aut filius, aut filia Antverplam concedant, quo extranei adiciantur & proprii succidi regia præsentia ac auctoritate amentur, quemadmodum Cadmus post multos suorum occisos defensoris serpentis fons regni petiit.

2. Omnia belli Hispanici metus ex vicinorum populorum mentibus eradicetur. Belgarum fines ab externa vi propulsi, ac per aliquot annos ita tranquillè & feliciter vivatur, ut, qui prius Hispania inimicissimi erant, videtes tam mitè & felix eorum dominium, eidem conjungi & incorporari exoptent.

3. Cessent tributa neq; amplius quodquam exigatur quàm quod mensæ regis & præsidij alendis sat sit. Quorundam tamen ab una quaq; provincia scribula-

tribulati loco tot milites exigantur, qui in novum orbem mittendi sunt. Reliqua gens bellicosa regi allicienda est, & contra Hispania inimicos exasperanda, quæ tandem maxime, Belgium debilitabitur. At certe à populo istis militaribus abundat, melius tase tributum quàm nummos exigere, id quod non solum regi utilius sed & populo magis acceptum & conveniens.

4. Vnaqueque provincia, certum aliquem qui Familiae Austriacæ dicatur sit hilarissime instituto universalis quotannis convivio colat ac vino & epulis nequaquam pareatur, inq; eodem convivio mutuo sese solemni ter amplectentur & exosculentur. Nihil magis talem populum unit, quàm hic modus amicitiae, quod etiam Minorem Legislatorem instituisse legimus.

5. Taceat inquisitio, sed per Episcopos sub alio nomine exerceatur, non tamen tam severe quàm Romæ, aut in Hispania fieri solet, sitq; lingua potius quàm gladius istius imperij fundamentum & instrumentum.

6. Indulgentiæ sub nomine cruciati à PP. procurentur, quibus liberum sit cibis Paschali bus prohibitis uti; Baccho enim supra modum sunt dediti.

7. Præsidia in locis munitis ex Hispanis constent, sed gubernacula rerum sint penes Episcopos & Ecclesiasticos alios. Veneti & Belgæ destinentur. Quæ quidem unio sive mistio magis accepta isti populo futura, quàm si soli Hispani administrarent.

8. E Belgis rebellibus spe boni stipendij viri bellicosissimi ad bella Regis eliciantur, & virgines Hispanis quoecunq; modo demum fieri possit, matrimonio conjungantur. Mulier enim maritum amans facile cedit ut supra.

9. Cessante jam bello inter rebellium capita exitanda sunt dissidia, & nova sectæ instigandæ, quò magis inter inimicos crescat discordia, inter tutos vero concordia.

10. Cum metus ab Hispano hujusq; Belgæ unitos tenuerit & quamvis in multis discrepaverint, in hoc uno tamen quod Pontifex sit Antichristus unanimiter consenserint. Sublato belsi Hispanici metu, ista quæstio, num Papa sit Antichristus, ante omnia utpote ex qua multa alia pendunt discutienda est. Interim reliqui Principales religionis articuli sileant & de vocatone quæstio instituitur, quæ novitatem Hæresis ipsorum solidissimè evertat.

11. Hæc lex inter disputandum esto, nulla amplius ad Augustinum aut ipsius commenta in Biblia sit provocatio, sed antiquiores patres S. Clemens Romanus, S. Cyprianus, Clemens Alexandrinus, S. Chrysostomus, S. Basilus, citentur, qui hæresin negati liberi arbitrij melius ervertunt quàm recentiores. Agatur item quæstio de origine & causa mali in quem scopulum quam plurimi impingere. Nam alij denegârunt, ut Epicurus, alij duos Deos fecere, ut unam causam mali statuerent, ut Manichæus & fortassis etiam Pythagoras. Alij malum sustulere ut Libertini, alij deniq; ut tuerentur Deum omnia fecisse mali & Tyrannidis auctorem eum constituerunt, ut Calvinus. Optio Reip: perniciosissima ut Cic: & Plato adfirmant, quippe quæ libertatem bene aut malè faciendæ populo

di populo negat, ac omnes leges & obedientiam tollit. Hæc res aliis à Tramon-
tanis considerata eos atheos fecit, ut & Deum negent, nec denuo sub Pon-
tificis Imperium redeant. Agendum igitur est cum rationibus animabus &
Politiciis quas vulgus intelligat & vocatio ipsorum in quæstionem imprimis
vocanda. Libros enim multiplicare & licet protrahere victoriæ species est,
ei qui per ineptam sententiam tuerur.

12. Cum Biblia innovare ac patres & in historias in suam sententiam
trahere hæretici conentur, linguas Græcam & Hebræam perfectissimè addidice-
re, laboussi sunt in studijs, & deniq; totus septentrio grammaticale non spiritu-
ale contra nos bellum exercet cum tamen omnis linguarum interpretatio à no-
bis primùm sit petenda, qui Græcos, Hebræos & Latrones superavimus ad
Christianismum addaximus, sacerdotio privavimus. Propterea subtiles in
Grammaticis cum Hæreticis quæstiones fugiamus quamvis ij sine ulla vincen-
di spe longissimos libros propalegr. Censeo autem populum istum nova qua-
dam arte quam nobis sit magis cognita ab istis Grammaticis abvertendos.
Instituatur igitur in suis præcipuis civitatibus Hispanus Scholas lingua Arabiæ,
quo possit populus Turcas Moros & Persas convertere. Ista enim lingua est qua
ij Mahometismum, ut nos latina Christianismum defendunt, unde nobis reli-
gionis alium hostem petent. Aperiendæ deinde scholæ Philosophicæ, una Plato-
niæ altera Stoicæ, tertia Tiesiana, quæ quidem sectæ plus sapiunt Christianis-
mum quàm Penpætica, atque ita Philosophicæ alterationes ac dissidia à
Theologicis populum istum deflectent. Aperiendæ item Scholæ Mathematicæ
& Astronomicæ & magnis præmijs peritiores astronomi allieendi sunt, ad stel-
las novi orbis mensurandas & cognoscendas eoque mittendi. Hoc erit He-
culæum imitari & Anthæum, à terra sua sublevarum suffocari: Et cum Cadme
litteras in Boetiam adducere. Ita tandem qui hæreses in sacris antehac insti-
tuebant, jam facient in Philosophia cum videant majus præmium ab hoc quan-
ti ab illis sperandum esse. Et contra Turcæ religionem se accingent, eoq; magis
quod ea etiam in Germaniam irrepere rutetur, quippe quæ cum Calvinianismo
summo opere consentiat. Deniq; scholæ mechanicæ aperiendæ in quibus nove
instrumenta ad rem nauticam, additumendos hostium muros, ad ignes artificia-
les conficiendos concinna ibidem proponenda atq; ita populus iste huic studio
intentus, quod ipsorum Genio valde conveniens est quæstiones Theologicas
relinquet, & Regi Hispaniæ sese magis addicet, tandemque ejus imperium hodie
crudele & exosum postea mite & amabile efficiat.

13. Barones, ceteriq; nobiles ut discordes inter se sint, procurandum
quinq; rebus Hispanicis favent præmio & honore munerandi, unde inter se o-
dium & versus Hispanum crescere amorem oportet.

14. Ad navigationem Indiæ Orientalis invirandi sunt Belgæ & procu-
randum ut Portugalesibus juncti, mare Rubrum ingressi Arabiam & Palestinam
Turcæ damno invadant ita extra patriam eductis minuentur vires, præsertim
cum talibus expeditionibus Hispani magis quàm Belgæ conveniant.

15. Seminaanda inter ipsos dissidia ut se mutuo consumant, ut milites ex serpentis dentibus nati ferere, deinde ipsi qui reliqui sunt, prout decet, uti oportet. Occidendus tamen est ante omnia, defensor serpens, id est, M. V. P.

16. Belgis millena aureorum millia quorannis pensionis loco danda sunt, ut classe sua indicant Hispani regis classem & Hispaniæ litora ab Angelis secura præsent, Classis autem illius præfæti obsides, filios suos dabant donec ipsi ab expeditione redeant. Hoc modo incepta semel inter Anglos & Belgas inimicitia facile erit auro corruptis classis præfæti unum aliquem ex ipsis consueque deducere ut tandem totam prædictam classem Hispano dedat, ita summa inter nobiles & Reip: capita seminabitur discordia ipsique qui potentiores sunt, ad regera sequendum adlicentur.

Postremo, ubi jam fracti fuerint & infirmi summi utendum celeratim ingens exercitus ipso rege ductore quo magis consterneretur eger, eo deducendus, & de rei summa priusquam vires recolligant, decertandum. Præterea si dux Hispanus aliquis belli egregius fugam aut rebellionem simularet, ac processu eo usque in Belgarum favorem insimularet ut exercitum duceret: posset eundem domino suo Regi postea in manus tradere; quem admodum Zopyrus Dario Babyloniam & Simon Græcis Trojam tradidere. Possit etiam acquisita auctoritate falsis accusationibus eos à quibus timendum sit, è medio tollere & postmodum facilius, quod intenderat, præstare. Sicut Tullius Sextum Patri suo Ardeam concessit, sed belli duces egregios & viros insignes ad-

hæc Hispanum habere oportet, non verò qualis fuit Antonius Perez.

Hæc sunt illa quæ Hispano Belgium occupaturo diligentissime observanda sunt; nec dubito quisi hæc adhererit longè facilius quam ante hac futura sit victoria,



DE RATIONE ET VIA

REGIONES SEⁿ
PTENTRIONALES AD
CVLTVM SEDIS ROMANAE
REDVCENDI:

ITEM

DE CAVSIS, PROPTER QVAS DANIAE
SVSPECTA ESSE DEBET REGNORVM POLONIAE, ET
SVETIAE CONIUNCTIO.

Authore

IONA HENRICSONIO MEL-
DORPIANO DITMARSO.





Nemo est, rerum Italicarum paulo peritior,
 qui ignoret, summos Pontifices jam à mul-
 tis annis in eo laborare vehementer, ut regi-
 ones Septentrionales, aut saltem aliquam earum
 partē ad obsequiū, & cultum Sedis Romanæ re-
 vocent. Quod desiderium cum in superiorib⁹ Pon-
 tificibus ardens sanè fuerit, tamen in Clemente
 octavo, qui jam rerū potitur, longè ardentissimū
 esse non dubium est. Constat enim, illum magno
 studio ad omnia hæc ferri, quibus Pontificatum,
 suū nobilitari, & nomen suū, tanquam de Sede
 Romana optimè omniū meriti, consecrari potis-
 simum immortalitati posse existimat. Accedit,
 quòd Clemens, Cardinalis etiamnum, ante ali-
 quot annos Germaniam, Bohemiam, & Polo-
 niam peragravit, in Polonia etiam negotia maxi-
 mi momenti summo cū iudicio & dexteritate
 tractavit; Atque ita facillimum illi fuit exactam
 rerum

rerum non Polonicarum modò, sed etiam Livonicarum, Sueciarū, & Danicarum notitiam sibi comparare. Qua de causa cum majori & fiducia, & spe deinceps propositum ursurus, & si quid est in illo ingenij, si quid industriæ, si quis usus rerum, (esse autem ista in ipso maxima, apud omnes constat) id omne, & bonam facultatem, & thesaurorum suorū partē huic rei impensurus esse videtur: rei, fateor, arduæ, & summæ difficultatis, sed quæ futura sit sibi merces, ut poeta inquit, pulcherrima merces. Quantum enim redditibus Camerae Papalis, quantum Cardinalium, & reliquorum aulicorum Romanorū culinæ denuò Septentrione recuperato, accessurū sit, facile colligi potest ex immenso penè numero Archiepiscopatuum, Episcopatuum, Albatiarum, & monasteriorum, quæ in illis locis conspiciuntur. Qua in parte etiam notandum est, incolas ditionum Septentrionalium, tanquam simplices, & minus astutos (cujus rei causam humoris & sanguinis abundantiam esse, testis est Vegetius lib. 1. de re mil. & Aristot. lib. 3. Polit. cap. 15.) eo

facilius emissariorū Romanensium, & præcipuē indulgentiariorum artibus & retibus captos, & ideo piscationem ibi longè uberrimam fuisse. Ergo hic est scopus Pontificum, ut Septentrionē in servitutem denuo redigant: jam videamus, qua ratione & viꝛ eundem assequi conentur.

Iesuite & reliqui qui in stabilienda cathedra Romana, & in sanandis bestię vulneribus ex professo laborant, scribunt, supremam auctoritatem & curam à Christo Petro commissam, duplex munus complecti: quorum prius in pascendo grege, posterius in arcendis lupis consistat. Illa Pontificem satisfacere doctrinā, & administratione sacramentorum vel per se, vel per ministros: huic per excommunicationem, privationem regnorum, & ditionum, deniq; etiam per arma, & bella sacerdotalibus tubis inducta, ut scribit Cardinalis Baronius in præf. Tomi VIII. Annalium Ecclesiasticorum. Ad pascendum itaq; gregem in ditionibꝯ Septentrionalibus paulatim Iesuitæ in Prussiam Regalem, & in Livoniam introduci cœperunt & paulo pōst in Suetiam: ubi illi brevissi-

vissimo temporis spatio, quid apud Regem Ioan-
nem (cui tanquam egregio Augustanæ Confessi-
onis patrono, David Chytræus historiam ejusdem
confessionis non multò antè dedicaverat) effece-
rint, ex Iohanne Botero Benensi (Canonico Ro-
mano) disci potest. Hujus verba ex Italico ser-
mone in Latinum fideliter translata, in tertia par-
te relationû universaliû, l. i. p. 27. ex editione Vi-
cētina an. 93. apud heredes Perini Librarij hæc sunt:

Erico successit Iohannes frater, Princeps literatus, & valde bona mente præditus,
Hic facile animadvertēbat, quā à ratione omnia aliena, & quā contraria Evangelio
esset hæresis Lutheri. Quā de causā detestans libros impij illius & ipsius affectu
loco eorundē legebat Patres antiquos; Sed metu seditionis alicujus & Carolum
fratrem suspectū habens, non audebat sententiam suā apertè profiteri. Habebat
in matrimonio Catharinam filiam Sigismundi, Regis Poloniæ, seminā virtutis,
imò sanctitatis & constantiæ incomparabilis. Hæc suo exēplo valde maritū con-
firmavit, & aliquam in illo regno conservavit, seintillam. Ioannis enim, quamvis
patre hæretico natus, quāvis in hæresi educatus, quantumvis cōsiliarijs hæreticis
stipatus, quantumvis ministrorum hæreticorum opera utens: retinebat tamen
propter exemplum & conversationem uxoris, multos ritus Catholicos; obser-
vabat quadragesimam abstinēbat ab esu carnis die Veneris: monasterium Va-
stienx sartum tectum conservavit veneratus est ossa sanctæ Brigidæ, quæ hono-
ris ergo capfulæ argenteæ includi iussit, ut & ossa sancti Erici, Regis Suetiæ: quæ
per manus sacerdotum Catholicorum in templo Vpsalensi reponi voluit. Ex-
probavit sapius ministris Lutheranis & Calvinianis ignorantiam & impuden-
tiam illorum, instauravit templa ab eisdem destructa; reparavit altare, ex quo pa-
nem celestem populo distribui puer meminerat. Misit Legatos primum ad
Pium 4. deinde ad Gregorium 13. concessit Reginæ liberum religionis Catholi-
cæ exercitiū: permisit ut ipsa etiam Catholice educaret Sigismundū filium: qui
postea factus est Rex Poloniæ, & deinde etiam Suetiæ. Obtinuit Catharina à
Pontifice aliquot patres societatis Iesu, qui & ipsi consolationi essent, & popu-
lum converterent: & Papa Gregorius Regi misit patrem Antonium Possivinū.

hactenus Poterus. En primitias artium, & se-

minum Pontificiorum in Septentrione; idque ope Iesuitarum, quos idem Boterus eod. lib. pagina 5. scribit concionibus, disputationibus, declaratione Catechismi, typographijs, sed præcipuè beneficio Scholarum, Collegiorum, Seminariorum (in quibus, sub ipsorum disciplina, plurima & innumera egregia ingenia educantur) & mille alijs modis, CONVERTERE CORDA PATRVM IN FILIOS. De illis apud Gallos & Belgas tritum est communi sermone proverbium, omnia Collegia Iesuitarum esse totidem arces ac propugnacula Regis Hispaniæ & Papæ: Ita ut facile aestimari possit, quanto periculo se exponant illi, qui hoc hominū genus intra muros suos recipere, & ita serpentes in sinu fovere non dubitant. Sed sinamus jam Iesuitas strenuè in sua palæstra desudare: & videamus, quomodo illi Pontificē in Septentrionalibus regionibus secundæ duplicis sui muneris parti, quæ circa lupos à grege arcendos versatur, satisfacere posse censeant.

Restabat florentissimū Regnū Daniæ, in quod nullus aditus patebat Iesuitis, & reliquis emissarijs Ro-

rijs Romanis. Qua de caussa hac in parte confugerunt ad illud axioma, (quod iisdē Iesuitæ pro confesso sument) arma quidē in huiusmodi deliberationibus ultima esse debere: Sed tamen rectē AD PORTAM VERITATIS PRAEDICATIONI APERIENDAM ADHIBERI. Cum itaque Stephanus Poloniae Rex post receptam Poloniam, & magnū Moscoviae Ducē ex tota Livonia expulsū, nominis, & victoriarū suarum famā totam Europam complevisset: & jam antē primū in Transsylvaniam, deinde etiam in pleraq; Livoniae loca Iesuitis (quamvis incolis deprecantibus & refragantibus) introducendis, suae erga Sedem Romanam fidei, & observantiae non vulgariae specimen edidisset: descenderūt in eam sententiam, hunc omnium maximē & idoneū & dignū esse, qui Ecclesiae Romanae in ditionibus Septentrionalibus protector, & veluti capitaneus generalis deligeretur. Rationē autem Daniae invadendae hanc, quae sequitur, omnium commodissimam fore existimabant. Constat, Poloniam, & Lithvaniam habere copiosum equitatū, eumq; exercita-

Q

tum,

tum, & qui fere triplo minora stipendia, quàm equitatus Germanicus, Belgicus, Gallicus, & Italicus, merere soleat: cui rei argumento est, quòd Rex Stephanus in bello Molcovitico 40. millia equitum, in exercitu suo habuit. Pontificem ergo Regi Stephano partim ex suo, partim ex Hispanico ærario, tantum pecuniæ suppeditare debere, unde 16. millia lectissimorū equitū, & 15. millia peditū Germanorū, Polonorum, & Vngarorū posset conscribere. His copijs instructus Rex & ut eo expeditius agmen esset, assumtis tantum 6. tormentis muralibus, & 15. campestribus (quæ vocant) sine magno negotio per Pomeraniam, & tractum Megapolensē, in Holsatiam & Iutiam (quæ olim cimbrica Chersonesus dicta fuit) penetrare, & ibi, unde brevissimus in Daniam trajetus est, portum aliquē maximè idoneum occupare posse videbatur.

Eodem tempore sumtu Pontificis, viginti circiter naves, in portu Rigensi, Elbingensi, & Dantiscano, sub alio prætextu instrui, hisque reliquū apparatū tormentorum majorū pulveris, item
globo-

globorum, & omne instrumentū militare imponi volebant : Easque prope Calmarniam cū navibus totidem Ioannis Regis Sueciæ (cum quo maturè, hac de re, agendū Pontifici esset) conjunctas rectā ad fretum Danicum (quod sunt vulgo vocant) cursum dirigere, & classem, ac naves majores regis Daniæ (quarum vix una atque altera armata, reliquæ ut plurimum ad navigandū imparatæ esse solēt.) Igne injecto cremare, & funditus delere posse existimabant : quo facto, & ita Danis classe, & per consequens omni spe auxiliorum externorum ademptā, pars earundē navium in eodē freta inter illas insulas ad subita belli & ad impedienda mutua Iutarum, Selandorum & Scañorum subsidia, subsistere : pars ad littora Iutiæ contendere, & regis Stephani exercitum (cui interim magnum numerum navium onerarium, quarum carinæ planiores, & puppes ac proræ humiliores, & ideo ad trajiciendum equitarum aptissimæ sunt) ex vicinis portibus, & insulis conquirere, & partim etiam ex materia, cujus ibi maxima copia est, novas conficere facillimum erat,

in Fioniam, & insulam Zelandiam, totius Regni caput, & Aulae Regiae Sedem trajicientē adjuvare debebat: Rex verò Hispaniae, viginti naves bellicas in Galicia, Biscailja, & Belgio instructas, & tribus millibus optimorum peditū completas missurus erat: quæ circa idem tempus versùs fretum Danicum, quod Sundt vulgo vocant, cursum dirigerent, & sese cum navibus Polonicis & Sueticis conjungerent, Interim Ioannem Regē Sueciæ tam insignem, Danos, avitos hostes, ulciscendi, & fines suos latissimè proferendi occasione minime neglecturum: & terrestres copias in partem Daniae, quæ inter Sueciam & Norvvegiam interjacet, ducturum: & totum illum tractum fertilissimū Imperio Sueciæ asserturum esse pro certo statuebant. Ab altera parte Rex Stephanus, tractatū in Zelandiam majori parte copiarum, obsidere & oppugnare Croneburgum, unicum totius insulae propugnaculū, & clavē Daniae, debebat. De eventu nihil certi affirmari potest: quia ille in Dei manu est: sed hominatus loquendo, non video, qua ratione se hoc casu defendere, & resistere tot

in lo-

in locis tantæ hostiû multitudinî Daniæ incolæ
 potuerint: imò nihil aliud restare potuisse videtur,
 quàm ut Rex cum tota aula & Regni Senatu in
 penitiorē Norvvegiam se reciperet. Sed video,
 hîc obijci posse itineris & expeditionis à finibus
 Poloniæ usq; in Iutiam & Daniam suscipiendæ
 longinquitatē, transitus difficultatē, quē nec Po-
 merani, nec Megapolenses, nec urbes Hansiaticę,
 nec vicini Principes, Regi Daniæ, consanguinitate,
 affinitate, & alijs vinculis conjuncti concessis-
 sent: tum nomen, vires, auctoritatē Imperij, &
 Imperatoris: quem partim sponte suâ, quippe re-
 gi Stephano ob Poloniam Austriacis veluti ex ma-
 nibus extortam, iratû, partim Imperij dignitatis
 tuendæ ergò, saltem reditum Polonis interclusu-
 rum, & excitâ totâ Germaniâ, audaciam & teme-
 ritatē eorum pro merito ulturum, credibile esset.
 Adde, Poloniæ regem non nimis pecuniosum, fa-
 cilê sumptibus tam longinquæ & diurnæ expe-
 ditionis exhauriri: Regem Daniæ, à pecunia, à
 navibus, à numero & divitijs subditorû & à reli-
 quis rebus ad vim vi repellendam necessarijs opti-

mè paratum, facilè littora & portus defendere & bellum ducere potuisse, donec vel hyems vel alia incommoda, quæ in alieno solo longè à patria bel-
ligerantibus plurima & in sperata occurrere so-
lent, Polonos receptui canere coegissent.

Non abs re (fateor) ista omnia dicuntur: sed audiamus, quomodo iisdē triarij Romani, homi-
nes sanè sagacissimi, qui totum illud littus Balthi-
cum & Livoniam, Daniam usque diligentissimè
& cum magno judicio perlustraverant, singula di-
luerent. Quod attinet ad itineris longinquitatem:
dicebant, æquè magnam, aut etiam majorē di-
stautiam esse ex Polonia majore & minore Polo-
ciam, Revaliam, Narvam, Plešcoviam usque: in
quæ tamen loca exercitus Polonicus sæpius pene-
trasset, Polociam expugnasset, & Plešcoviam ad
extrema adegisset. Transitū etiam non adeò diffi-
cilē fore dicebant per Pomeraniam & tractū Me-
gapolensem, regiones planas, patentēs, & equi-
tati commodissimas: ubi passim ea pecoris, fru-
menti, pabuli, ligui, & reliquarū rerū omniū co-
pia præstō futura esset, ut etiam exercitui longè

numerosiori, quàm quæ supra dixim⁹, alēdo suffi-
 ceret. Nec Pomeraniæ Princeps Regni Poloniæ
 Vafallos transitum Regi cum tali exercitatu veni-
 enti, nec etiam Megapolitanos Duces denegare
 ausuros: & si maximè impedire conarentur, ta-
 men vanam sine viribus iram futuram esse. Quo
 enim pacto resisterent Duci & exercitui vetera-
 no, Pomerani & Megapolenses, quorum diutur-
 nitate pacis, & hanc comitantis otij dulcedine, ar-
 ma ita hebetata, & rubigine atq; situ obducta es-
 sent, ut in duobus illis Ducatibus spatio aliquot
 mensium vix tres turmae equitum in exercitato-
 rum & decē cohortes peditum tyronum conscri-
 bi possent. Præterea nullum esse in toto quod su-
 pra diximus, itinere flumen, quod non vado trans-
 iri possit, solo Oderà excepto; cujus tamen tra-
 jectu tantum exercitum, tali Duce fretum, & ex
 improvise Pomeranis supervenientē, prohiberi
 non posse, omnes veterum & recentiorum histo-
 riarum & bellorum vel mediocriter peritos, facile
 concessuros esse existimabant præsertim cum Rex
 Stephanus soleret in expeditionibus secum
 cir-

circumvehere pontem compositum ex singulis navibus, quæ deinde tabulatis inter se conjungebantur, ut quoties opus esset separari, curribusq; singulis unâ cum tabulatis impositæ, binis jumentorum jugis non incommodè in quemcunq; locû transferri possent: ut auctor est Heydenstenius de Bel. Mosco. lib. 1. pag. 20. Addebant, nullum esse in toto illo tractu propugnaculum, quod non vel salva disciplina militari, à tergo relinqui: vel, si ita videretur, etiam in transitu expugnari ab his copijs nullo negotio posset. Porro urbes Hanfaticas (quæ sunt in illo littore maris Balthici sitæ) nō verisimile esse hac in re Regi Hispaniæ, Poloniæ, & Sueciæ, impedimento futuras: partim quia res gerenda esset contra Regem Daniæ, intolerabilia portoria in freto Sundt ab Henfaticis contra vetera illorum privilegia exigentem: quorum portorum moderationem illis superiores tres illi Reges, priscarum item immunitatum, & privilegiorum restitutionem promittere, & ita in suas partes illas pertrahere possent: partim etiam, qui spes opesq; Hanfaticorum totæ dependent à mercimonijs,

monijs, quæ in Suecia, Livonia, Prussia & in Hispania exercent, & quibus iidem Reges illos suo arbitratu privare possunt. Reliquos Principes quod attinet: respondebant, incerta & sine dubio infirma fore horum auxilia: Quia credibile esset, frigidissimos fore in adjuvandis vicinis, qui in rebus proprijs, & in dignitate, & libertate avita conservanda, tam lentos & remissos se gererent: Idq; multis exemplis, recentibus præsertim, luculenter confirmabant. Imperium, dicebant, magni esse nominis umbram: Pontificē porrò & Regem Hispaniæ mille nosse modos Imperatorem (qui ipsorum auxilij ad bellum Hungaricū & ad alia carere non posset) demulcendi, ut hac in parte conriveret nec impedimentum obijceret ullū his generosis conatibus, ex quib⁹ summa ad Romanam sedē & totam domum Austriacam, cum sede Romana arētissimè conjunctam, utilitas, & eximia laus; ad Danos verò, & ad rebelles Belgij maxima incommoda, immò certissima tandem perniciēs esset redundatura. Deinde Imperatorem hoc casu, optimo jure quiescere posse: Quia nihil

hic decederet Imperio, cum illud Dania & Iucia non recognoscant. Quod ad vires regni Daniae attinet : Fatebantur, illas non contemnendas & verissimum esse quod Curtius dicit, nihil tutò in hoste sperni & secundum Vegetium lib. 1. de re mil. cap. 2. in omnibus locis & ignavos & strenuos nasci : sed addebant, Danos in universum molliores, & luxu ac voluptatibus enervatos, & ad res gerendas ineptos esse, nec in toto illo regno capitaneum Danum alicujus nominis, & qui recentiorum beligerandi rationem ac disciplinam, & vel paucorum millium exercitum regere ac ducere novisset, inveniri. Danos etiam per se solos finibus suis tuendis non sufficere, si quis negaret, illum manifestò convinci erroris posse, ex belli inter Danos & Suecos ante annos triginta gesti experientia; quo Regis Daniae copiae tam terrestres quam maritimae, majore ex parte ex milite Germano constaret, & tamē communi hominum opinione, nisi Lübecenses in societatem belli venissent, exercitui Regis Sueciae, ex solis Suecis composito, impares fuissent. Supra autē demonstratum esse; deletā classe

Danicā

Danicâ & navibus Regis Poloniæ, Sueciæ, & Hispaniæ in toto mari volitantibus, simul etiam Regi Daniæ omnē auxiliorum Germanicorum spem necessario præcidi: Reditum vero Polonis intercludi non facile posse, partim propter imbecillitatem eorum per quorum fines transaturi erant, ut supra ostensum est; partim etiam quod exercitus recentibus his victorijs inflatus & optima spolia ditissimamq; prædam in patriam ad suas reportandi avidus, ferro sibi viam facile aperturus esse videretur: Præterquam quod etiam Megapolenses & Pomerani hac in parte contineri in metu & officio possent à navibus bellicis Poloniæ, Sueciæ, & Hispaniæ Regum, quas ex Dania in Megapolin, paucarum horarum, & in Pomeraniam etiam brevissimo tēporis spatio appellere militē, nemine fere resistente, longissimo illius litoris Balthici tractu exponere, & igne ac ferro in colarum contumaciam ulcisci posse, apud omnes illorum locorum peritos in confesso esse autumabant. Hyems autē, si forte medio in cursu ingrueret: Tamen illam nullo incommodo affecturam esse, vel naves

quæ ibi multas tutissimas stationes, & cōplures par-
 tus habitura essent; vel copias terrestres, quæ per
 Zelandiam, Fioniam, Femeriam, dispersiri, & in
 præsidijs collocari commodissimè possent. De-
 niq; (quod caput est) Danos appulsum navium &
 capiarum, quas diximus, trajectum, in Fioniam, Ze-
 landiam ac Scaniam impedire non posse, multis
 & antiquis & recentibus exemplis probabant. Nam
 si Marchio sanctæ Crucis Anno 1582. in insulam
 Terceram, unde quaq; littore salēbroso & perpe-
 tuis fere rupibus abscessis cinctam, & non naturā
 tantū, sed etiam manu egregiè munitam, & præ-
 ter satis magnū numerū incolarū insuper, milite
 etiam Gallico & Anglico, cui peritissimi Duces
 præerant instruitam, vi sibi aditum patefacere po-
 tuisse: quanto magis in hac causa de Dania, cu-
 jus littora omnia plana, ubi nullū (exccpro Cro-
 neburgo) propugnaculum, ubi nulli muniti por-
 tus, sed omnia aperta, omnia imparata, omnia à
 propugnatoribus nuda, idē judicandam esse? Præ-
 terea allegabant exemplū Angliæ, insularū o-
 mnium munitissimæ, & cujus littora ac portus tot
 arces

arces et propugnacula, tot millia hominū armatorum ad minimū quodque hostis adventantis signū, maximo numero sub peritissimis ductoribus confluentium tuentur: Et tamen à plurimis rei militavis ac nauticæ, & locorū illorum peritis pro certo statui, nisi virtute & industria sua Angeli invincibilē illam classem ex Hispania venientē, antequam sese cū Parmensis classe & copiis conjungeret, disiecissent, prohiberi Hispanos nullo modò potuisse, quin in aliquam insule partē, saltē per Thamesim, tandē penetrarent. Ad summam, concluderent, Danos imperatos, inexercitados, & securos, ex improvise facillē subjugari posse. Scribe enim Vellejum Paterculū lib. 2. hist: neminē celerius opprimi, quam qui nihil temet: & frequentissimum initium esse calamitatis securitatē: itē vegetium lib. 3. de re nūlit. cap. 22. necessariò, ampliorē securitatē, gravius solere habere discrimen. Allegant etiam illud, quod est apud Cæs. lib. 5. de bel. Gall. ubi inquit:

Tū demū Tituri, uti qui nihil antè providisset, trepidare, & concurrere, cohortesq; disponere: hæc tamē ipsa timide, atq; ut eū omnia deficere videretur, quod placumq; sibi accidere consuerit, qui in ipso negotii consilium capere coguntur.

Porrò has copias à Polonis sub alijs prætectib9 ve-
 luti occupandæ Moldaviæ, Valachia aut Tarta-
 rorū repellendorū, & similibus cogi, & invadēdæ
 Danię consilia hac ratione facillimè Regi posse.
 Quod ad ipsū Regē Stephanū attinet: sicut illū
 Principē prudentē, varias fortunæ vices expertū,
 & minimè vanū aut temerariū esse concedebant:
 ita rursus illū singulari quadam animi altitudine
 ad maxima quæq; & ad nominis immortalitatē a-
 spirasse nihilq; virtuti suæ invitū judicasse à nemi-
 ne negari posse dicebant, Argumento esse, quod
 potentissimo & prudentissimo Imperat. Maximili-
 ano in controversia de Regno Polonię sese oppo-
 nere non dubitasset: cui tamē rebus omnibus ita
 impar fuisset, ut sola celeritate illū superarēt. Ergo
 in Pōtificis (à quo jam antè ensē consecratū acce-
 perat, ut Heydenst. p. 86. lib. 3. de bel. Mosc. testa-
 tur) gratiam, illū facilè hanc expeditionē susce-
 pturū fuisse; præsertim in Dantum, cui propter
 subsidia Dantiscanis à Stephano obsidione cin-
 ctis missa succensebat. De viribus verò illius,
 quantumvis fortassis non nimium pecuniosi, quid
 Lega-

Legatus ipsius Turcæ, in castris ad Plefcoviam
judicâſſet, ex Heydenſtenio lib. 4. de bell. Moſc.
pagina 125. dicebant diſci poſſe?

Per frequentiſſimam (INQVIT IBI ILLE) caſtrorum partem barbarus du-
Bus, caſtrorum magnitudinem, equitum, quos obvios habebat, ornatum equo-
rumq; præſtantiam, ac univerſi exercitus ſpeciem admiratus: Faceret Deus,
ait, ut iſti Principes (Regem ac ſuum Principem diſignans) conjuncti inter
ſe animis eſſent; ne orbis quidem terrarum conſenſu eorum reſiſteret.
Haſtenus Heydenſtenius. Addebant, ante annos
quadraginta tantam fuiſſe apud omnes Balthici
maris accolæ opinionem, de potentia magni Du-
cis Moſcoviæ, ut ſi quis eo tempore dixiſſet fore,
ut olim Moſchi à Polonis Polociâ & Livoniâ cij-
cerentur, huiusmodi cogitationes in hominem
ſanum cadere non poſſe, omnes uno ore adfirma-
turi fuerint. Quin etiam Mahometem pruden-
tiſſimum trium Orientis Imperatorum confi-
liarium, & in Regem Stephanum non malè ani-
matum, cum de illius inſtituto intellexiſſet, favere
ſe conatibus ejus, ad Legatos Polonicos dixiſſe:
fauſtaque ac felicia ei precari; magnam tamen
rem ſuſcipi: magnas eſſe vires Moſco-
viticas, neque ſecundum ſuum Princi-
pem, ullum in orbe terrarum potentiorẽ eo
Prin-

Principē se existimare: Heydenst. lib. 1. pag. 26;
 Et tamen constare, quam brevi tēporis spatio Rex
 Stephanus illi primum ex Polocia, alijsq; munitis-
 simis locis, deinde & vniversa Lìvonia expulso,
 & in penitiorē Mosoviam tanquam relegato, cō-
 pedes quo minus liberē vagari posset, inieciisset. Fa-
 rebantur quidē, Daniam etiam & Iutiam esse satis
 populosam, & ibi magnam contrahi hominum
 ad arma ferenda idoneorum multitudinē posse.
 Sed se supra ostendisse, usum & experiēti-
 am ipsis omnino de esse: Et ex media experi-
 entia desumptum esse, illud vegetij lib. 1. cap. 1.

*In omni pælio non tam multitudo, & virtus indocta, quam ars & exercitum
 soleat præstare victoriam. ET EODEM LOCO: In certamine bellorum exer-
 citata paucitas ad victoriam promptior est: rudis & indocta multitudo, exposita
 semper ad eandem.*

Quoniam verò propè facilius acquirere,
 quam conservare; ideo operæ pretium fuerit nosse
 quomoda hac victoria utendum, & qua ratione
 parta tuēda esse censerent. Rege Daniæ, & Senatu,
 ac nobilitate Regni in ultimam Norvegiam pulsis,
 & capto Croneburgo, & Helsingburgo, clavibus
 freti Danici: Dicebant, reliquum vulg^o maiore ex
 parte

parte servituti mancipandum, & partim ad triremes damnandū, partim in Indiam occidentalem in auri & argenti fodinas deportandum: relictis solis rusticis, qui agros colerent: & in reliquorum locum Colonias ex Gallicia, Biscailja, & agro Artesiano, & ex territorio Dunkerkano, & Gravelingensi deducendas: quę gentes ad artem nauticam non minus, quam Dani & reliqui Septentrionales, idoneę sint: Omnia bona equitū Danorum, Ducibus & militibus Hispanis, arces verò Cronenburgum & Helsingburgū cum subjacente territorio & imperium illius freti totiusq; Zelandiæ & Iutiæ, item Scaniæ usq; ad Elsburgum; Regi Hispaniæ; reliquā partem Scaniæ, & Norvegię (quam universam parvo labore progressu temporis occupari posse statuebant) Regi Sueciæ cedere: Bona omnia Ecclesiastica Episcopis, Abbatibus, Monachis reddi, & Iurisdictionē Ecclesiasticam Papalem in integrum, restitui debere. Iutlandiam Regē Stephanū, (qui in Zelandiam trajecturus magnam partē equitatus & aliquot cohortes peditū, quę totam regionē interim infestaret,

S

& ne

& ne ex vicina Holsatia aut Saxonia auxilia Iutis aut Danis subministrari, & nequa manus coire, & arma defensionis sumere posset, impedirent) in reditu totam occupare posse, sine magno labore: quia eundē ibi rerum & hominū, quam in Zelandia conditionē, id est, nihil parati, nihil muniti, omnia prona, omnia aperta, omnia obvia reperturus esset. Prædam totius Iutiæ & pecuniam, quam singula, capita lytri loco solutura essent, (ad ingentem autē summam hanc offensuram) universam militi Polono attribuendam. Regi verò Stephano præter gloriam incomparabilem, quam vel solam laborum suorū satis uberē fructum esse viri fortes existimare solerent, & præter solutionē stipendiorū, Regē Hispaniæ ex vectigalibus amplissimi freti Danici, quotannis centū millia thalerorū: Pontificē vero ex ærario suo sexaginta millia coronatorū itidē quotannis bona fide dependere debere. In Iutia in utraq; littore tam orientali quam occidentali locis idoneis propugnacula extruenda, ad subditos in officio continendos, & piratarū Belgarū, Anglorū ac Gallorū insultus arcendos. Ad stabili-

biliendū verò dominū hujus maris, & horū loco-
 rū, (in quæ ex Frisia, Hollandia, & Flandria pau-
 cissimorum dierum spatio supplementa mitti pos-
 sunt) & ad amicitiam cū Rege Suetiæ, arctissimo
 atq; indissolubili modo cōstringendam, suadebant.
 Regi Hispaniæ commodissimū factū esse, ut ex fili-
 is, aut saltē ex Caroli Archiducis Austriaci filiab9
 unam, Sigismundo Principi Suetiæ in matrimo-
 nium (uti etiam compluribus annis pōst evenit)
 collocaret, & fœdus perpetuum contraheret, cum
 civitatibus Hansaticis sive Osterlingijs: id quod eò
 facilius impetratu esse statuebant, quia omnes ac-
 colas maris Balthici & urbium Hansaticarum ci-
 vis jam antè sponte sua auri & lucri Hispanici cu-
 pidissimos, tolerabiliorum vectigalium in freto
 Sundt, & novarum privilegiorū & immunitatum
 in Hispania & Portugallia promissione mirè in-
 escari posse, experientia doceret. Et si autē superio-
 ra consilia inexpectata Regis Stephani, Grodusæ
 an. 1586. extincti morte aliquo modo discussa fuē-
 runt: tamen paulò post longè major, conata per-
 ficiendi spes. Sigismundo Princ. Suec, in Regē Pol.
 electo affulsit. Cum enim cōplures Regni Polonię

Sceptrum ambirent, ut Dux Parmensis, Ferrariensis, Princeps Transylvaniae, Ernestus & Maximilianus, Austriae Archiduces, & alij, quibus omnibus, imprimis verè Austriacis, favere Pontificem par erat: tamen sibi Suevum præreliquis omnibus adjuvandum promovendumque existimavit. Quia verò mirum fortassis alicui videri posset: Pontificem, adolescentem sub Tironibus natum, qui unquam ex Suecia à reliquo orbe divisa pedē extulerat, Italis, hominibus exercitatissimis & viris Principibus, togata & bellica virtute spectatissimis, imò Maximiliano Austriaco, Principi ad summa nato, Imperatoris filio, Imperatoris fratri, Regis Hispaniae affini, Regis Hispaniae nepoti, ante posuisse; ideò, quam ob causam id, & quo fine fecerit, ex Thesauro politico Italicè in octavo An. 1602. edito in discursu de electione novi Reg. Pol. pag. 423. & sequenti discendū est. Verba illius loci ex Italico in latinum bona fide traducta hæc sunt.

Posito hoc, quod ab omnibus constanter asseritur, Principem Suetiae esse bonum Catholicum: nescio, qui alius Rex majori cum Reipub. Christianae fructu eligi posset: qui si Moscoviam subjugaret, magnitudine uniri Imperij omnes reliquos Principes, & Regulos Europae superet. Ab oriente enim versus occidentem dominaretur toti illi tractui, qui inter mare Caspium & fines Germaniae interiacet: & à meridie Septentrionem versus regnaret, inde à Caucaso usque ad

extrema

extrema maris Scythici litora. Quanto verò terrori Princeps vicinus adeo magnus, Turcæ, & quanto adiumento rebus Christianorum futurus esset; nemo est, qui non facile intelligat. Sin autem ab altera parte Princeps Sueciæ, Rex factus, arma converteret in Regem Daniæ, hostem suum hæreditarium: non est dubium, Danum vastis viribus talis Regis resistere non posse: & occupatione regni Daniæ redundatura esset maxima utilitas ad Religionem Catholicam, non tantum propter extirpationem Principis hæretici, & pessimi, (qualis est Rex Daniæ) Verum etiam propter auxilia quæ hinc accipere possent res Catholicorum in Belgio: Cum sit in potestate ejusdem, Regis Daniæ saltem denegando transitum navibus quæ Dantisco frumentum in Belgium transportant, fame Hollandos ac Zelendas enecare, præter magnum numerum hominum & copiam commercii: qui, si fretum Dani cum esset in manu alicujus Principis Catholici, per mare Balticum posset subministrari, quotiescunque liberet tentare aliquid contra hæreticos, & imprimis contra Reginam Angeliæ. Hæcenus ille.

Laudo equidem candorem Romanensium & Jesuitarum: Vah, ut nullis hic ambagibus, nulla circuitione, præter morē suū, utuntur! Magnitudo spei, & dulcedo lucri, quod animo jam devorârunt, has liberas voces ipsis expressit. Nec sane injuria. Nam positis superioribus fundamentis quid aliud essent Septentrionales ditiones, id est, Livonia, Prussia, Suecia, Dania, Norvegia quam publica Pontificis, & Hispanorū armamentaria, fabricæ, navalia, granaria: primū hæreticis, id est, Germanicis, Belgis, Scotis, Anglis; deinde etiam omnibus qui Monarchiam Hispanicam averfantur, domandis & subjugū mittēdis destinata! Ibi enim immensæ Sylvæ, ilices & quercus ædificandis navibus; procerissimas pinus, aptandis malis, anten-

nisq; affatim suppeditant: ibi æris, ibi ferri, ibi chalybis, ibi argenti venæ: ibi feri, ibi picis, ibi lini copia, conficiendis velis: ibi canabis, neſtendis rudētibus: ibi ceræ, ibi mellis, ibi omnis generis com-
 meatus: carnis; frumenti, leguminum; piſcium, alendis exercitib⁹ & claſſib⁹ incredibilis copia: ibi nautarum, naupegorum, nauclerorum, & aliorum hominum ad militiæ ſive terreſtris ſive maritimæ labores & incōmoda perferēda idoneorum maximus numerus: ita ut veriſſimè dixerit Ioannes Rex Suctiæ, ſe bellum aliquod genere centum millib⁹ thalerorum poſſe, cui Regē Hiſpaniæ decies centena millia coronatorum impendere oporteret. Ex his omnib⁹ ſatis luculenter apparet, quomodo Romanenſes & Hiſpanienſes erga Daniæ Regnum ſint affecti: nec conſilium, aut invadēdi animum deeſſe illis. ſed ſolam occaſionis maturitatē eos exſpectare. Apparet etiam hinc, quam periculofa ſemper Regno Daniæ futura ſit, Poloniæ & Sueciæ ſub uno eodemq; (Pontificiæ religioni præſertim addicto) Rege conjunctio: & quam nullam Rex, & Senatus Daniæ cauſſam habeant
 ea pro-

ca promovendi & approbandi, qua viam ad hujusmodi conjunctionem munire possunt. Et si n. Sigismundum Polon. Reg. bonum, ingenio mansucto, & rerum novarum, ut videtur, parum cupido esse non negatur: tamen vicissim etiam constat, totum illum à Pontifice, ab Ecclesiasticis & à clericis perdere. Et cum ipsi ordo velleris aurei, nomine Reg. Hisp. à Com. de Lignij in super. comitijs V Vassav: offeret. illum inter cetera jurasse hæc sequen. verba; *Se velle bonam amicitiam ac fraternitatem colere cum supremo honestissimi ordinis velleris aurei: Se velle pro viribus in eubere ad augendam fidem Christianam atq; Catholicam: Similiter intentum esse ad minuendos & defendendos infideles & paganos.* Qui frater est Regis Hispanie. ille non potest sincerè amare Regem Daniae: cujus patrem Hispanici parafiti Principem pessimi ingenij (ut supra ostendi) vocabant. Rex Sueciae Pontificius, jurans se infideles deleturum, hoc in primis intelligit de vicinis Danis: quos, ut & reliquos Evangelicos, Turcis peiores esse, Pontificij palam loquuntur & scribunt. Hæc autem eo diligentius notanda, & quomodo his consilijs maturè occurrì possit, cogitandum, quod constat, Sixtum V. Pontificem, decies centena millia aureorum, primo Pontificatus sui anno, in Castro S. Angeli recondidisse, cum decreto addito,

ne mi-

ne minimū hujus thesauri partē expēdi unquam, aut erogari posse, nisi in recuperationē terræ sanctæ generali expeditione in Turcam susceptā; aut, si Provincia aliqua Christiana periclitaretur, ne in manus infidelīū aut inimicorū Ecclesiæ incidat, &c. Iuravit Sixtus, se hæc observaturum, voluitq; successores suos idem juramentum dicere. Tertio deinde Pontificatus sui anno, in eadem arce, & in eundem usum, alia decies centena millia ducatorum seu aureorum reposuit: declarans insuper, inter casus, in quibus tam prior, quam posterior thesaurus posset expendi, etiam intelligendam esse recuperationē alicujus regni, ab inimicis sanctæ Romanæ Ecclesiæ occupati. His duobus thesauris ter decies centena millia postea adjecit, ita ut in arce hac post obitū suū quinq; circiter milliones, (ut vocantur) id est, 5000000. coronatos reliquerit, & hæc omnia videre est apud Cicarellam in vita Pontif: Sixti V. Quis autē adeò cæcutit, ut verbis illis, recuperationem alicujus Regni ab inimicis Sanctæ Romanæ Ecclesiæ occupati, apertissimè digitum in Angliam Scotiam, Daniam, Suetiam, intendi non videat? Quid ergò

ergò faciendum? Quid faciendum sit, docet sensus communis, & natura, quæ bruta etiam animantia omnia illa, quæ ad conservationē sui, & ipsorum pertinent, fidelissima nutrix, docuit. Ante omnia aures claudendæ sunt Sirenibus, id est, exploratoribus Hispanicis, qui in Daniam ventitant: inter cæteros Ferdinando Iopésio gubernatori Carpensu, qui mellitis suis verbis Danis conatur imponere; quanquam non dubito sermonem ejus Latīnum (cujus phrasēs & flosculos ex Decretalibus, Clementinis, Extra vagantibus, & ex epistolis obscurorum vīrorum excerptisse videtur) vīrīs doctis, quorū in Danīa inter omnes ordīnes magna copīa est, stomachum interdum, & nauseam movere. Deīnde sociandi animī, socianda consilia cum illis, (si modò ad huc aliquos in ista fatali præsentiū temporū ignavia hæc cura tangit) qui conscientię & patrię libertatē adversus communes hostes strenuè tuentur atq; propugnant. Neq; hanc in rem profunderē necesse est thesauros Regios, ex Zundij & alijs Regni vectigalibus, spatio multorū annorū collectas: restota

in animorum, & consiliorū sincera conjunctione sita est: quo semel fundamento fideliter jacto, deinde ad repellendos alienę libertatis raptos, ejus summæ, quæ ex piscium Bergæ in Norvegia, & ex boum & equorum, qui ex Dania & Iutia in Germaniam & Galliam educūtur, vectigali percipitur, particulam aliquam decidi suffecerit. Quia etiam periculosum est, omnes suas, & subditorum fortunas, mercenario & exter o militi committere, ut experientia & historiæ docent: ideo ad imitationē Regiæ Angliæ, Ordinū Belgij, & quorūdam principum Germaniæ, militē ex Danis scribi, disciplina militari imbui, armis tractandis & signis sequendis, Ducū imperijs naviter exequendis, assuescere, valde è re esset: & si duētores harū rerū periti fortassis de sūt, ex Anglia, Hollandia, & Germania accersantur: multi ibi sunt Comites, Barones, Nobiles, hanc artē callentes, quos hac in re Regno Daniæ, si aliqui ex illis vocentur, diligentē & fidelem operam navaturos dubiū non est. Fructus hujus rei, quæ non magnam pecuniæ summam, laboris tamen aliquid requirit, ex vegetio lib. 3. de re mil. cap: 1. intelligi potest.

Qui

Qui desiderat, INQVIT, pacem, præparet bellum: Qui victoriam cupit, milites inbuat diligenter: Qui secundos optat eventus, dimicet arte, non casu. Nemo provocare, nemo audeat offendere quem intelligit superiorem esse pugnaturū.

Etiā autem non improbandū est consiliū Serenissimi Regis Friderici, qui amore publicę tranquillitatis ductus, magno desiderio pacem inter Regem Hispaniæ, & ordines unitarum Provinciarū Belgij conciliandæ flagravat, & cum ob finē etiam ad Parmensē ante aliquot annos primarię nobilitatis legatū misit: tamen Rex optinuit non de pace infidijs patente, sed de pace tuta, de pace segura hoc intelligebat, Quam autē illi gratiam parasiti & beneficiarij Hispanici referant, & quam parū honorificē de generosissimo & magnanimo illo Rege, & de tota inclyta nobilitate, & natione Danica sentiant, scribant, loquantur; & ex loco supra ex Theſ. polit. Italico allegato, & ex iohanne Botero liquet. Verba illius part. 3. rel. Vniv. l. 1. p. 286. sub finē, ex Italico in latinū bona fide cōverta, hæc sunt:

Cum itaque (INQVIT) populi Danicę, Norvegicę, & reliquarum provinciarum quę illi Coronę subditę sunt, sine pastoribus remansissent, sub Rege Lutheranō (nempe Christiano) facile fuit illos seducere & pervertere operā Ioachim! Pomerani, & aliorum impietatis ministrorum. Successit Christiano Fridericus professione & ipse Lutheranus, sed vita Epicureus, qui superioribus annis mortuus est ex erapula & ebrietate, die passionis Dominicę. Sub illius imperio Dani non tantum omnes reliquas nationes superarunt pravitate Lutherana, & Epicurea; Sed etiam majori studio sese dediderunt Necromantię, & artibus magicis, quam litteris, aut artibus liberalibus.

Hactenus Boterus. Quid quæso isto ore impurius cogitari potest? Et tamen in eodem ludo edocti ad nequitiam, eadē fronte, eodē pudore sunt, qui Danos interdum invifunt, maria & montes pollicentur, in os etiam eos laudant; deniq; vectigal freti Danici magna pecuniæ summa locari sibi tanquam publicanis impudentissimè petere non verentur.

Non multo absimilis gratia relata fuit Imperatori Maximiliano II. qui Carolum fratrem in Hispaniam miserat (an. 1568.) ut Regem Philippum ad moderatiora consilia & ad Belgas laxiori freno regendos invitaret, qua de re Ioannis Baptistæ Adriani historici Florentini hist. lib. 20. pagina 1472. & duab; seqq. ex editione Veneta in quarto anno 1587. Verba ex Italicis Latina hæc sunt.

Ostendit Regi Archidux, omnes Principes Germanos constituisse Belgio opem ferre, & illud tanquam membrum Imperij (ut ipsi dicerent) ab oppressione Hispanorum liberare: Et hac de causa illos apud imperatorem instare, ut officio sub hac in parte satisfaciens, totis viribus se Regi Hispaniæ offereretur: Innuentes, si ille tergiversetur, se hoc futuros, & creaturos Regem Romanorum, ut hanc rem sub hoc titulo, & sub nomine Imperij administrare possint, & sese deinde ulterius progressuros, prout officij sui ratio sanguare videretur. Et exposuit simul Archidux Austriæ, hanc tacitam aliquam fortassis esse contra eminentiam domus Austriacæ conjurationem: Et ad vitandum huiusmodi periculum commodissimum factum esse, advocari, inde militem Hispanum una cum gubernatore omnibus nationibus exoso: privilegia provinciarum illarum conservari, praesidia & exercitus scribi ex indigenis, venturam dari illis, qui religionem dixissent secuti

secuti essent, aut se pro publicis hostibus gessissent & bona ipsi restitui; denique nisi Rex haec viam ingrederetur, semper quidem illi molestias, nullum vero ullamquam fructum ex provinciis ad opulentis & potentibus illis expedandum. Regi Hispaniae nunquam placuerat hoc consilium Imperatoris, nec etiam Archiducis profectio: Multo verò minus ipsi placuit hae oratio; nec aequum esse putabat, Imperatorem ut Electoribus satisfaceret, sibi molestiam exhibere, qui firmiter apud animum proposuit, suo arbitratu imperare. Qua de causa primum generaliter respondit, & quid de rei summa statuisset, exponere distulit; id quod commodius facere poterat, quia nihil erat, quod festinationem exigere. Quo eodem tempore literæ à Duce Albano venerant, quibus scribebat, Principem Augusticum in Galliam transisse, & ideo cessare suspiciones, quas Imperator in Regis animo augere velle existimabatur, proponendo ista eo potissimum tempore, quo res in magnum discrimen adducta videbatur, & exaggerando conatus, & minas Germanorum: Nimirum, ut Duce Albano ab officio remoto, penè necessario, aliquis ex fratribus aut filiis Imperatoris in illius locum substitueretur: à quo consilio (ut potè quod multo antè subodoratus esset) Rex Catholicus planè erat alienus: & ideo responsum distulit, jam hoc, jam aliud negotium interponens: Et interdum etiam se abdebat in monasterium quoddam foribus oclusis, nec vel audire vel loqui volebat de ullo negotio. Nihilominus tamen, elapso aliquo temporis spatio, per brevem schedulam manu propria scriptam declarationem suam hac de re sententiam, dicens: Electores & ceteros Principes Imperii falli, si crederent, Flandriam & reliquas provincias sibi subiectas, habere aliquod commune cum Imperio. Etsi enim pater ipsius Carolus Quintus, qui eorum dominus, idemq; Imperator fuisset, olim Provincias illas adstrinxisset aut auxilia subministranda Imperio, quod vicissim etiam ad reciproca auxilia, necessitate exigente teneretur: tamen hanc obligationem in effectum neutram partem efficacia, citè hinc inde obstringere. Addebat, quandoquidè Germaniae Principes subditos suos rebelles favore prosecuti essent, & armis atq; pecunia iuvissent, illos excidisse omni iure, quod præterirear, & omnia illa quæ scrupulis aliquè hac in parte movere possent, cessare respectu religionis, cui omnino & sine omni exceptione veller ad hære omnes suos subditos præcipuè Belgas: quod maiore amore prosequeretur has provincias, tanquàm res proprias, quam ipse Imperator addens, se tamen ipsi gratias agere pro animo benevolo, quem ostenderet, & se in omnibus alijs rebus libenter agnoscere, solo Religionis negotio excepto: cetero, in eo nihil omnino largiri. Et hæc responsum inscriptis dedit ad petita Archiducis, ex quo liquido apparebat, vanam esse spem, si quam Archidux Carolus, aut alij, ac præfectura Belgij obtinenda & re ibi facienda, & Hispanis inde submovenda, conceperant. Hactenus Historicus Florentinus,

Porro hoc responsum optandum esset omnibus Principibus & Statibus Germaniæ quàm notissimū

& semper ante oculos esse, ut eo melius impudentiam Hispanorū hac in parte animadvertere, & masculè respondere his vulpeculis possint; quando illis ogganniunt, Ordines Imperij Alberto tanquam Principi Imperij succurrere, & in ditionib⁹, quas adhūc tenet, tanquam membris Imperij, contra Hollandos & Zelandos defendendis illū juvare teneri: respondere, inquam possint, auxilium petendum ab alijs, nō ab Electoribus, Principibus & reliquis Statibus Imperij: quos in superiori responso Rex Philippus adeò superbè contempsit, & veluti felonix cujusdam condemnavit.

Concludo itaq; valde merendas esse artes & technas Pontificis, tali (qualem dixi) thesauro instructi, & adeò ad corruppendos homines, & ad magnas res gerendas idonei: Cujus breve quidem, sed insignē comium (quia non parū ad propositum facere videtur) ex Cærella in vitis Pontificum adscribam. Singulare (INQVIT) beneficium est, & maxima gratia, quam summus ille DEus hodie Reipnb. Christianæ totiꝫ gregi sancto exhibuit, Principem illi & Pastorem omni virtutum genere ornatissimum, Strenuum & cunctis dotibus ad Pontificatum benè administrandum, ad populum pascendum, & à circumstantibus imminentibusq; clamitatibus liberandum, deniq; ad tranquillitatem pietatēq; postliminiō reducendum necessarij donando. In eo arcem posuerunt, virtutis integritas, & judicij bonitas; in eo certat magnitudo doctrinæ cum verum gerendarum felicitate & experientia: Quæ res sapientum omnium calulo singularem & optimum Principem constituit. Nostrium nunc est cum devoto pij cordis affectu, divinæ majestati supplicare, ut hunc Pontificem quam diutissime nobis servet incolumē, & sanctissimos suos conceptus, optimaq; proposita, ad honorē Dei & utilitatē Ecclesiæ feliciter exequatur Qui sint hi sanctissimi animi conceptus, quæ sint optima hæc proposita, supra ostensum fuit: nimirum, consilia de frero Daniæ occupando, de Sueciæ & Poloniæ regnis conjungendis, & de Hollandis, Anglis, & reliquis hæreticis defendis. Porro verbis opus non est,